



أنت هنا

لأن العالم الفارابي يرفعك

حسن السيد

دار الكنزي للنشر والتوزيع



رئيس مجلس الإدارة

محمد صلاح شديد

المدير العام

إيناس الدسوقي

مدير الإنتاج

أحمد عبد الوهاب

الطبعة الأولى

الكتاب : أنت هنا

تأليف : حسن السيد

تصنيف الكتاب : رواية

مصمم الغلاف : محمد على

إخراج : أحمد عبد الرحمن

المقاس ١٤ × ٢٠

رقم الإيداع : ٢٠٢٤ / ٢٠١٨

الترقيم الدولي : 3 - 11 - 6660 - 977 - 978

All Rights Reserved

Alkanzy for Publishing and Distribution

+01062104822

Alkanzy.co@gmail.com

info@alkanzy.net

محفوظ
جميع الحقوق

الإهداء

إلى من أعطاني ١٢ جلسة كهربية بغرض العلاج
من الأكتئاب والوسواس القهري والاضطرابات
النفسية، أقدم لك إهدائي واعتذاري عن أي رد
فعل سيئ ناتج عن غضب أو وجع، وأفبرك إنني
مدين لك على فقدان ذاكرتي لكل شيء كان
يؤلمني.

المقدمة

من المفترض أن تقوم بزياره طبيب نفسي كل شهر «مرة» على الأقل لكي تصف له ما الذى بداخلك وتحكى له مشاكلك والصعوبات التي تمر بها ولكن لأننا نعيش في مجتمع شرقي ينظر إلى زائر المستشفيات النفسية بنظرة سوداوية ويصفه بكونه «مجنون» فلا أحد يجرؤ على فعل ذلك.. وهنا اتجهنا إلى الكتابة والموسيقى والجلوس على شاطئ البحر والتأمل في السماء ومخاطبة «العرائس الكرتونية».. كل هذه الوسائل استخدمناها للتعبير عن أنفسنا وعن الضجيج الذى يحدث بداخلنا.. وهنا كل شخص حريختار الطريقة التي تعجبه للتعبير عن ذاته.. وأنا اخترت استخدام الكتابة للتعبير عني وعن كل شخص فاقد لقدرة التعبير عن نفسه..

ملحوظة:

أنا لم أقدم شيء جديد من خيالي.. أنا فقط حاولت أن أسرد كل الذي يحدث أمام عيني.. الرواية تشبه وضع السم في وعاء من العسل.. بالتأكيد سوف تأتي لك لحظة ما تشعر بأن الرواية كتبت لتجعلك تأخذ قرار الرحيل عن العالم.. لكن صدقني لا شيء يستحق أن تغادر العالم بسببه طالما لم تخسر نفسك!

الفصل الأول

«اللعة على أولئك الذين، حلوا عنا وهم يعلمون أن
، ميلوم يمزق، وحنا ويقتلنا»

٢٠١٨/٥/١

مطار برج العرب - الإسكندرية

- هذا الرقم مغلق أو غير متاح من فضلك حاول الاتصال في وقت لاحق.

- على السادة المسافرين التوجه إلى الصالة الرئيسية، رحلة رقم ()، بوابة رقم ()، والمتجه إلى لندن...

- هذا الرقم مغلق أو غير متاح من فضلك حاول الاتصال في وقت لاحق.

- «أشعلت سيجارتي وأخرجت مذاكراتي من حقيبة اليد، لأحدث صديقي - الورق - بما حدث من أسبوع، بالتحديد يوم عودتي إلى حبيبتي، بعد فراق استمر ٨ شهور»

أمسكت قلبي وكتبت..

٢٠١٨/٤/٢١

يوم السبت، يوم عمري ماهنسأه، إزاي أنسأه؟
ده تاريخ رجوعنا لبعض بعد فراق طال ٨ شهور،
هاحكيلك من البداية.

صحيت من النوم الصبح أخذت شاور ونزلت اشتريت بوكيه ورد وروحت استنتها قدام كليتها .. ولما خرجت شافتني ف ضحكت ودمعت من الفرحة وجتلي سلمت عليا وأخذت البوكيه .. وعرضت عليها أعزمها على فنجان قهوه في الكافيه اللي جنب الكلية ف وافقت .. وهناك طلبت منها نرجع لبعض ف وافقت وضحكتلي ..

آه نسيت أقولك إنني مصاب باكتئاب حاد وبيجيلي أفكار انتحارية بس أول ماضحكتلي نسيت الاكتئاب وكنت أسعد واحد في العالم .. صدق اللي قال إن الحب بيعمل معجزات، ضحكته قدرت تعمل اللي العلاج مقدرش يعمله .. ضحكته قدرت تعالجني وتغير حالتي ١٨٠ درجة للأحسن ..

المهم شربنا القهوه وروحته بيتها .. وهنا بدأت المشكلة .. كنا بنتكلم على الواتساب، كانت بترد عليا متأخر وبترد على قد السؤال وأقل كمان .. حسيت إنني بكلم واحدة تانية غير اللي كانت معايا أو إنني تقيل عليها جدا ومش متقبلاني .. التمسيت ليها ألف عذر ونهيت الكلام معاها وقولت لنفسي ممكن تكون مش فاضية .. أو بتذاكر عشان امتحاناتها ..

هنا أنت

كلمتها تاني يوم ردت عليا بعديها بساعتين مع إني شايفها أون لاين وبتنزل صور فالاستوري بس بردو التمسثها العذر..

الحب هو اللي بيعمينا عن الحقيقة، حتى لو الحقيقة باينة زي الشمس هنغمض عيننا وهنلتمس الأعدار ليهم.

وتمر الأيام لحد يوم ٢٤/٤/٢٠١٨ أقنعتها تسافر معايا لندن نغير جو فـ وافقت بعد محاولات كتير.. واديني أهو قاعد مستنيها ومجتش لحد دلوقتي ومتبقي نص ساعة على موعد إقلاع الطائرة واتصلت بيها كتير تليفونها مقفول..

أشعلت سيجارة أخرى وأخرجت الهاتف المحمول والهاند فرى من جيبي.. لأستمع إله الموسيقى لمحاولة تهدئة ما يدور بداخلي.

تبدأ الموسيقى وأقول لنفسي..

«اهدأ يا مكرم. اهدأ كل شيء سيكون على ما يرام، ما زال متبقي نصف ساعة على موعد إقلاع الطائرة

هنا أنت

ومرام سوف تأتي قبل ذلك بالتأكيد، اهدأ وانظر
إلى المسافرين وتعمق في أعينهم لترى نظرات الوداع أو
اللقاء.. وأفضل شيء أنه لا أحد يعرفك هنا فأنا وأنت
نعلم كم تكره الرسميات والتهانئ السخيفة وأن...

- أستاذ مكرم عوض!

- أفندم؟

- أنا من اشد المعجبين بحضرتك.. قرئت
كتابك اللي اتحول لفيلم سينمائي وعجبني جدا،
كل القصص أثرت فيا وتركت بصمة في حياتي ومن
بعدها تابعت كل كتاباتك على مواقع التواصل
الاجتماعي وكلها روعة.. أنا في انتظار أعمالك
القادمة وأتمنى تكون في نفس المستوى وأفضل كمان.

ممکن أسأل حضرتك سؤال لو وقتك يسمح؟

- اتفضلي.

إيه رأي حضرتك في علاقات السوشيال ميديا..
أقصد إن حقيقي فيه اتنين ممكن يحبوا بعض من
على الفيسبوك ويتجوزا؟

هنا أنت

- «أنا من الناس الكافرة بعلاقات السوشيال ميديا.. مش مقتنع إن في اتنين اتعرفوا على بعض من سوشيال ميديا وحبوا بعض وعلاقتهم استمرت شهور.. لأن ببساطة شديدة بشوف العلاقات دي اتبنت على الاهتمام مش على الحب.. ومن أول مشكلة العلاقة هيحصل فيها شرح ومعاملتهم هتتغير ويبطلوا يهتموا ببعض وتبدأ العلاقة تنتهي بالبطيء»

ممكن توضح أكثر حتى لو بمثال؟

دلوقتي أنا وانتي اتعرفنا على بعض من الفيسبوك وبعد فترة اعترفتلك إنني بحبك ساعتها انتي هتفهمي إنني بحب مين؟

بتحبني أنا؟

غلط..

«ساعتها هتفهمي إنني حبيت الصورة اللي رسمتها لي عن طريق كلامك.. حبيت صفات الشخصية اللي كانت بتكلمني من ورا الشاشة.. حبيت اهتمامك واحتوائك ليا.. لكن حبيتك انتي! مستحيل.. الحب على السوشيال ميديا هو حب

هنا أنت

لشخصية وهمية مش موجودة في الحقيقة ولو العلاقة
استمرت وظهرت للنور؛ أقصد شوفتك في الواقع
هتصدم بيكي. ! هتصدم بعيوبك اللي ماكنتش
أعرف عنها حاجة.. هتصدم برود أفعالك وبرود
مشاعرك.. هتصدم وأدرك وقتها إني حبيت واحدة
تانية، مش هي دي انتي اللي كانت بتكلمني على
الفيس بوك ولا ده أنا اللي كنت بكلمك..»

عندك حق.. شكراً ليك.

- رن هاتفي وقطع الموسيقى التي كنت استمع
إليها، بالتأكيد المتصل سوف يكون مرام، أمسكت
هاتفي لأكتشف أنها رسالة وليست مكالمة كما
توقعت.. لكن لا بأس.. فبالتأكيد مرام أرسلتها لي
لكي تعتذر عن التأخير وتخبرني إنها قادمة..

ضغطت على زر العرض.. لتظهر لي الرسالة
كاملة،

«ازيك يا مكرم؟ يا رب تكون بخير، أنا آسفة على
الطريقة اللي بكلمك بيها، بس أنا في الحقيقة
محرجة منك وخايفة من رد فعلك، فبعثتك رسالة
على التليفون عشان متأثرش بردك وأحس بذنب لإني

هنا أنت

عارفة الموضوع مش سهل عليك.. لكن ما باليد حيلة
وخايفة أسكت وأكمل معاك أكون بظلمك معايا
أو تقول عليا كدابة وخاينة..

مكرم، احنا أول أما رجعنا لبعض كنت مبسوفة
جداً لكن بعدها محستش بالاشتياق ليك، كأنك
شخص عادي وأقل من العادي كمان، أنا آسفة بس
دي الحقيقة أنا مابقتش حاسة من ناحيتك بحاجة،
صدقني ده نصيب والحب عمره ما كان بالغصب وأنا
مليش ذنب في حاجة، أنا فجأة لقيتك شخص عادي
انطفى نوره في عيني ومبقاش يلمع ولا قلبي بقي بيدق
لما يكون معاه.. أنا مش عارفة أنا بقول إيه في الرسالة
ولا مرتبة أفكارى.. كل اللي عايزاك تعرفه إن فراقى
مش بسبب شخص جديد دخل حياتي ولا حبيت حد
غيرك.. أنا أقسملك إني ما حبتش حد زي ما كنت
بحبك.

آه كنت يا مكرم.. أنا عارفة إن الكلمة دي
هتوجعك بس لازم تواجه الحقيقة.. لازم تفهم إن
علاقتنا خلاص انتهت ومش هترجع تاني.. أنا عارفة
إن الرسالة بتاعتي قاسية بس هتعلمك تقف على

هنا أنت

رجلك ويمكن تکرهک فیا وأتمنى ده اللي يحصل.

ويف الختام أتمنالک کل الخير وأتمنالک سفر
ممتع واتمنى تعدي الفترة دي بسرعة وتنساني زي
مانا نسيته وهكمل حياتي بدونک.. وخليک فاکر
الحياة مش بتقف على حد ومفیش راجل بيعيط يا
مکرم! مع السلامة»



قرأت الرسالة ثم دخلت الحمام وحينها لم أستطع
منع نفسي من الضحك، «للصدمات معادلة كل
ما يزيد حجم الكارثة يزيد معدل الضحك ومن
ثم تنهار من البكاء» وهذا الذي حدث معي انهرت
من البكاء بعدما أخرجت مذاكراتي من حقيبة اليد
وكتبت الذي حدث كي أستوعب الامر، لكن عقلي
رفض تصديق أنها رحلت للأبد! كيف يصدق وهي..
«ذاته» بالمعنى الحريفي للكلمة.

الرسالة كذب.. أكيد كذب.. كل هذا هراء..
أكيد بتختبر مقدار حبي لها وتستكشف رد فعلی..
ازاي ترحل وتترکنى.. ازاي فتاة تنفصل عن والدها!
إحنا لسه راجعين من أسبوع ازاي ترحل! ازاي تبطل

هنا أنت

تحبني وتراني إنسان عادى! ازاي مشاعرها تموت من ناحيتى! ازاي تدعو الله انى اكون فى أفضل حال وهي ليست معي! أكيد هناك خطأ ما.. أنا متأكد من ذلك.. مرام لم ترحل.. رد علي يا إلهى! أخبرني إنها لم ترحل!! أخبرني إن كل هذا هراء وإنها بتختبر حبي لها!! أنت تعلم جيداً بأنه لا يوجد في دنيتي إلاها!

٢٠١٨/٥/٤

استيقظت من النوم لأجد نفسي نائماً على سرير يشبه سرائر المستشفيات.. نظرت حولي لم أجد شيئاً أستطيع من خلاله تمييز أين أنا.. الشمس تغطي الحجرة بأكملها.. حالة سكون تسيطر على المكان، حاولت القيام من مكاني لكن المحاولة بائت بالفشل، استسلمت للأمر فلا يهم ماذا سيحدث لي وماذا سيكون مصيري.. فمهما حدث لن يكون أسوء من رحيل «مرام»

سمعت صوت دق على باب الحجرة ثم فتح الباب..

- ازيك؟

هنا أنت

- الحمد لله

- أنا الدكتور معتز.. أخصائي نفسي بمستشفى المعمورة للعلاج النفسي والإدمان.. والمشرف على حالة حضرتك..

- أنا إيه اللي جابني هنا.

حضرتك كنت في مطار برج العرب بالتحديد في الحمام.. العملاء هناك سمعوك وانت بتضحك بشكل هستيري وبعدين سكت وطلع صوت أنين منك كأنك بتبكي ومن ثم سمعوك ارتطمت على الأرض.. كسروا الباب وطلعوك كنت في حالة إغماء تام.. لحسن حظك كان فيه عيادة قريبة من المطار.. ودوك عليها وهناك فحصوك وكانت النتيجة إيجابية تماماً.. مسكوا مذاكراتك على آخر صفحة كنت كاتب فيها إن حبيبتك سابتك فجابوك على هنا لأنك مصاب بصدمة عاطفية نتيجة الفراق، ده اللي يخص شغلي.

أما اللي يخصني شخصياً فأنا معجب بحضرتك جداً برغم إنني مليش في الكتب والقراءة لشباب جداد لكنني شوفت الفيلم اللي صدر عن كتابك وعجبني..

هنا أنت

الفيلم حلو وموثر جداً وشجعتني أقرأ الكتاب والحقيقة
إنه أحلى بكثير من الفيلم.. أنا سعيد إنني شوفتك
جداً وحزين في نفس الوقت إننا اتقابلنا هنا!

يؤسفني إنك موجود في مستشفى نفسية، يؤسفني
إنك لم تتجاوز الخامسة والعشرون من عمرك
وكتاباتك كلها حزينة وسخط على المجتمع..

أنا عارف كويس إن مجتمعنا سيئ وبشع لكن
يجب علينا التعايش والتأقلم معاه.. يجب علينا
نغمض أعيننا بشأن نعيش.. لازم نبتمس قدام الكل
حتى لو جوانا وجع العالم كله بشأن محدش يبص
علينا بنظرة شفقة ولا حد يسخر من وجعنا!

لكن خليني أبقى صريح معاك أكثر من اللازم..
احنا عايشين في مقبرة.. بص حوايك هتلاقي كل
حاجة سيئة.. هتلاقي كل الطرق تؤدي إلي طريق
واحد.. وهو الانتحار!

«احنا عايشين في مكان مش مكانا.. مش دي
مصر أم الدنيا اللي كنا بنسمع عنها واحنا
صغيرين.. الحزن بقى مسيطر على شوارعها.. ملامح
الناس باشت.. الكسل والاكتئاب أحب الأصحاب

هنا أنت

للناس.. اليأس و«الخوف من بكرة» مسيطر عليهم..

البطالة بتزيد.. حالات تحرش واغتصاب كل يوم بتزيد عن اليوم اللي قبله والناس بتجيب الغلط عند البنات مش عليهم ولا على الحكومة.. حالات اغتصاب باسم الحب كل يوم.. ناس بتموت وهي رايحة تشجع فريقها الرياضي.. أهالي بتكسر أولادهم تحت مسمى الخوف عليهم.. أولاد بتقتل أهاليهم تحت تأثير المخدرات.. حالات انتحار بسبب صعوبة الامتحانات التعليمية في ظل إن مصر طلعت من تصنيف التعليم العالمي.. مباني بتميل على مباني بسبب جشع المقاولين والسكان هي اللي بتدفع التمن.. الحرامية بتسرق في عز النهار علني والناس بتتفرج.. ثورة دمرت بلدها ومكانتش قصدها غير التعمير وبس.. بيوت ربنا بتنفجر سواء كنائس أو مساجد.. مصحات نفسية مليانة شباب في العشرينات» صدقني مجتمعنا لا يصلح للحياة..»

تعرف في مرة نزلت بوست في جروب سري على الفيسبوك كله رجالة كنت بسأل شايفين المطلقات ازاى ولية ناس بيقولوا إنهم عار على المجتمع عشان

هنا أنت

محتاج شوية معلومات عشان رسالة الدكتوراه اللي
بكتبها فيها جزء عنهم.. وأنا متعاملتش مع مطلقات
قبل كدة وحاسس اللي كتبته كلام سطحي..

المهم.. لقيت كل الرجالة بتقول فيما معناه إن
المطلقة مشكلتها إنها فشلت في علاقة مش أكثر
أما بالنسبة لـ صفة عاهرة فـ ده نتيجة تخلف
المجتمع.!

بغض النظر إن الكلام صح بس أنا متأكد إن
مفيش حد مقتنع بالكلام ده وكلهم ادعوا المثالية..

الغريب بالنسبالي في الموضوع؛ إن سبحان الله
كل الناس على مواقع التواصل الاجتماعي ناضجين
ومثقفين وكلهم عندهم اكتاب وكلهم بيتسابوا
وكلهم ناس محترمة وكلهم بيكرهوا التحرش
والاغتصاب.. مش عارف اللي بشوفهم في الشارع دول
مين؟؟ من كوكب تاني تقريبا يا أستاذ مكرم؟

علي العموم أنا مضطر أمشي دلوقتي عشان أتابع
باقي الحالات.. مذاكراتك على الطرابيزة جنبك
ومعاها القلم وعلبة سجايرك! أتمنى متكتبش حاجة
تتعبك.. مع السلامة!

تركني وأغلق باب الغرفة.. كان شاباً لم يتجاوز
الثلاثين من العمر، يبدو على ملامحه الشيخوخة
المبكرة.. عيناه زرقاوان وشعره أسود وبه بعض الخصلات
البيضاء. لحيته كثيفة بطريقة عشوائية... يتحدث
بشيء من الصعوبة وكأنه طفل يتعلم كيفية نطق
الحروف.. أو كأنه مرتبك وخائف.

أشعلت سيجارة وأمسكت قلمي وبدأت في الكتابة.

«وحشتيني ومش لاقى سبب كما في يخليني أشتاق
إليكي بعد ما طعنتيني في ضهري.. دائماً كنت متوقع
إننا هنسيب بعض للأبد بس ما كنتش متخيل إن
اليوم ده هيجي بسرعة كدة.. مشيتي ليه؟ انتي
وعدتيني بدل المرة ألفا! بالعكس كنتي بتقوليلي
انت اللي هتسبيني وهتساني بسهولة.. كنتي دائماً
بترفضني إنني أسيبك وفجأة انتي اللي سبتيني كإنني
كنت مجرد ضيف ملهوش أي وجود في حياتك..

خليني أتحوّل من طفل بيدور على أمه إلي شاب
ناضج لا يملك قلب ولا مشاعر..

نعم أنا اقتنعت إنك مشيتي خلاص.. أنا كنت
عارف ومتأكد إن علاقتنا كانت هتنتهي في يوم من

هنا أنت

الأيام، ومكنش عندي شك في ده لكن كنت بحاول
أعافر عشان نبقى مع بعض لأطول وقت ممكن، كنت
بحاول أشبع منك في الفترة دي.. بس قرار رحيلك
جه أسرع مما كنت أتخيل.. دلوقتي أصبح مصيري
مثل مصير الثلاثة اللي ارتبطي بيهم قبلي..

يؤسفني إنني أقول إنك عاهرة تباحثين عن
يعطيكى الحلوى وعندما تنتهي ترحلي عنه وتتركه
تايه في متاهة ملهاش أول من آخر..

أمسكت هاتفي وتفحصت الرسائل.. كنت أتمنى
حينها أن أجد رسالة تعتذر فيها وتخبرني إن كل
شيء سيكون على ما يرام وإنها سوف تكون معي
للأبد.. لكن للأسف لم أجد شيء..

الفصل الثاني

«أوقات كثيرة تبدأ البداية من نقطة النهاية»

هنا أنت

أتي معتز من جديد وسألني عن حالتني جاوبت
بالحمد لله.. ثم سألته متى أستطيع الخروج..

انت زهقت مننا ولا إيه؟

قالها بسخرية ثم أكمل:

أي وقت تحب بس عليا إخبارك إن فيه ندوة عن
الانتحار بكره، أتمنى تحضرها وهتبقى ضيف شرف
فيها .

حسنًا، أنا في أمس الاحتياج لحديث يمنعني عن
الانتحار

نظر حوله كأنه يريد أن يقول شيء .

مالك؟

مفيش أنا كويس

عينك ليها رأي تاني

نظر إليّ وعيناه تمتلئ بالدموع

أنا تعبان يا أستاذ مكرم، تعبان جدًا حاسس إنني
بنهار حرفياً ومش قادر أصرخ ولا حتى قادر أعبّر عن
اللي جوايا واللي حاسس بيه ومليش ملجأ أهرب ليه..

هنا أنت

احكي أنا سامعك واتأكد إن مفيش كلام
هيطلع برة ولا هس تغله في الكتابة..

هحكيك عن طفولتي

يوم ولادتي.. كان يوم فرح بالنسبة لأهلي.. يوم
كان كله منتظره لأن أبويا أكبر واحد في اخواته
وآخر واحد اتجوز وأنا أول مولود ليه.. بس للأسف
الفرحة مكملتش كثير لإني اتولدت وأنا عندي
مشكلة..

هحكيك باختصار شوية أنا ما كنتش بقدر أمشي
على رجلي ولا أحبي زي بقية الأطفال.. والمشكلة دي
طولت معايا لحد ماوصلت ٥ ابتدائي.. الفترة دي
أسوأ فترة عيشتها.. نفسي أغمض عيني ومافتكرش
حاجة منها.. أنا أهو عندي ٣٠ سنة بس الفترة دي
تعباني لحد دلوقتي.. الفترة دي كسرتني وذلتنني
وكله كان بيضحك عليا ويسخر مني.. في المدرسة
لما كان جرس الفسحة يرن وكل الولاد تجري وأنا
أمشي براحة واحدة واحدة. كانوا يشوفوني ماشي
يزقوني وأقع وأحاول أقوم معرفش وأقوم بصعوبة
وأشوفهم بيضحكوا عليا فتصعب عليا نفسي..

هنا أنت

ده زائد أهلي ومعاملتهم ليا.. حسسوني إني عبء عليهم وجبتلهم العار... أقسملك ده حقيقي وحصلي فعلا.. انت مستوعب إن طفل يحصله كل ده؟!

- وتمر السنين وينتهي الكابوس ده بـ عملية..
والحمد لله قدرت أمشي زي البني آدمين الطبيعيين..
بس عارف؟ أنا مش راضي عن الفترة دي.. جوايا سؤال دائماً ب ليه؟ لية يا ربي؟ اشمعنا أنا يحصلي كدة وأنا لسه طفل؟.. وبعديها على طول أستغفره وأتوب عن سؤالي وبعد شوية أرجع أسأله تاني وهكذا تتكرر الاسطوانة المشروخة.

ليه ماروحتش لدكتور نفساني يساعدك تعالج الألم ده؟

ضحك ونظر حوله كأنه يجمع الكلام

انت نسيت إني أخصائي نفسي وحافظ الكلام اللي بيقلوه الدكاترة؟

أجاوبك ببساطة لأنني عارف لو روحت هيقولي ايه، هيقولي بالنص كده «مين فينا يابني معندوش

هنا أنت

ماضي مؤلم .. ماضي نهش قلوبنا وروحنا .. ماضي ساب علامة في ذكرياتنا .. بس الشاطر اللي يعرف يتصارع مع نفسه ومع ماضيه ويكمل حياته .. ريك فيه حكمة في ابتلاءك .. حاول ترضى باللي حصلك .. صدقني لما تكبر هتندم على الوقت اللي ضيعته فالتفكير في وجعك وهتدرك إن (الحياة قصيرة .. والموت مش بيفرق بين كبير وصغير .. الشاطر اللي يستغل أكبر وقت لصالحه ويحاول يتمتع بيه في اهتماماته والحاجات اللي بيحبها بدل ما يضيع عمرة كله في -مفيش-) .. ممكن كلامي ميعجبكش أو تكون سمعته من أهلِكَ قبل كدة .. بس لما تكبر هتدرك إن كلامي عين العقل وهتفهم حقيقة الدنيا كويس»

هيقولي الكلمتين دول ويمشيني وأنا بردو مش هعمل بيهم رغم إن كلامه صح جدا .. بس هاتلي حد يشيل الحزن بدالي!

أنهي كلامه بابتسامة تخفي الكثير من الوجد ثم دعاني للجلوس في الحديقة لنتناول فنجان قهوة، رفضت رغم احتياجي الشديد لشرب القهوة

هنا أنت

مع النيكوتين لكن رغبتى في الهروب من ضجيج عقلي
كانت أقوى، فطلبت منه منوم فوافق.. أخذت المنوم
وذهبت في نوم عميق..

في صباح اليوم التالي

أيقظني معتز من النوم..

صباح الخير يا أستاذ مكرم!

أخرجت سيجارة من علبة السجائر وأشعلتها

أحسن دلوقتي؟

الحمد لله

مممكن أسألك سؤال؟

لا أحب الأسئلة ولا المتطفلين لكن الملل كان

ينهش في فواقت على طلبه.

انت ليه دائماً لما حد يسألك عامل إيه بتكتفي

بالحمد لله ولما انت تسأل حد بتقوله كويس ولا

تعبان! ومش بتخليه يقول زيك الحمد لله!

أضحكتني طريقة طرحه للسؤال كأنه طفل
يتهته في الحديث.

لإني مليش في الكذب يا عزيزي، أنا عمري ما
كنت كويس ولا أتوقع إن فيه حد في الكون كله
كويس، كلنا بنحمد ربنا لأن الحمد في كل وقت
سواء كنت كويس ولا تعبان..

أنا قريرت ليك بوست قبل كدة كنت بتقول
«متسألش حد عامل إيه» عشان هو هيقولك تمام
وانت كمان هتقول تمام وفي الحقيقة ولا انت ولا هو
كويسين..»

بالظبط..

أخبرني إنه متبق على موعد الندوة ريع ساعة
فقط، وعلى تجهيز نفسي.. استجبت لحديثه
وقمت من السرير لأغير ملابسي ثم اصطحبني إلي
مقر الندوة.. المكان كان مزدحمًا أكثر مما كنت
أتوقع.. جميع الكراسي مشغولة بالمرضى النفسيين
والدكاترة حتى أنني لم أجد كرسيًا لأجلس عليه..

هنا أنت

كنت أتلقى التحية من الجميع .. أظن أنهم يعرفونني جيداً، يعرفون الكاتب مكرم عوض .. دقائق وبدأت الندوة بمناقشة موضوع الانتحار .. كان أحدهم يقول:

«الانتحار؟ كنا بيجيلنا وقت ونبقي عايزين ننتحر، بس تفتكروا إيه الأسباب اللي ممكن توصلنا لكده؟»

الحقيقة لم يكن لدي فضول لأسمع باقي الحديث ولا أعرف الأسباب التي تجعل الشخص ينتحر، لأنه بالتأكيد أسباب الانتحار تختلف من شخص لآخر، وليس شرطاً أن تكون الأسباب قوية، بل على العكس؛ من الممكن لشخص أن ينتحر لسبب تافه من وجهة نظرنا، لكن بالنسبة له فهو سبب قوي ويسبب له وجعاً عظيماً ..

لكن ...

كنت مضطراً أن أحضر للنهاية لأنني وببساطة ضيف شرف ...

هنا أنت

أكمل الرجل حديثه قائلاً.. الندوة عبارة عن ضيفين هيحكوا عن تجربتهم في الحياة ومحاولاتهم في الانتحار وازاي تخطوا الوسواس الانتحاري! بس طبعاً هيحكوا من ورا الستارة حفاظاً واحتراماً لخصوصيتهم ..

أول ضيف افضل..

اسمي مدحت عندي ٢٣ سنة حكايتي بدأت في ديسمبر ٢٠١٧.. بالتحديد يوم ٢٤ تاريخ ولادتي.. كانت ليلة مشئومة.. كانت أجواء ديسمبر مضطربة، أوقات تمطر بغزارة وأوقات الشمس تشرق وترجع تمطر ثاني وترجع تشرق وهكذا تتكرر الأسطوانة المشروخة..

كنت يومها مقرر الانتحار.. وتركت لوالدتي رسالة انتحاري! أنا فاكر كويس كل حرف كتبه.. كنت كاتب بالنص:

«أمي العزيزة، اليوم تميت ٢٢ سنة! خليني أكون صريح معاكي.. أنا بقالي ٣ سنين بعاني في صمت.. كل يوم كنت بنهار من العياط على سريري.. كنت

هنا أنت

بمثل عليكي إني نايم لما كنتي بتخشي تتطمني عليا
وأنا كنت وقتها ورقة في إعصار حرفياً بتأرجح يمين
وشمال ملهاش ملجأ!.. أنا حاولت كتير أتعاش
مع الحياة لكن فشلت.. الحياة سيئة جداً.. مش دي
الحياة اللي كنتي بتكلميني عنها وأنا صغير! كل طرق
الحياة دلوقتي بتؤدي إله طريق واحد.. وهو الانتحار!

أنا آسف إني هنتحر وأنهي حياتي وأسيبك.. أنا
هفارق الجحيم اللي عايش فيه.. هفارق لإني فقدت
كل شيء ومعديش أمل إن بكرة هيكون كويس..
أنا بقالي سنة بفكر انهي حياتي ولا لأ عشان خايف
عليكي من فراقى..

بس الحياة علمتني درس مهم وهو إن محدش بيموت
على حد.. كله بيزعل يوم شهر سنة سنتين وهيعيش
حياته عادي.. صدقيني أنا ميرضنيش أخليكي تتعبي
ثانية بس انتي بردو مترضيش تخليني اتعذب في هذا
العالم البائس.. خليني المرة دي ولأول مرة أفكر في
نفسي وأبقي اناني.. سلام يا أمي هتوحشيني جداً!

سبت الرسالة على مكتبي ومشيت روحت للبحر..
مشيت في عكس اتجاه الموج وحاولت أغرق ومحستش

بحاجة بعديها غير إني صحيت في مستشفى .. وسمعت صوت آية قرآنية من التلفزيون كان الشيخ يقول «وَأَصْبِرْ لِحُكْمِ رَبِّكَ فَإِنَّكَ بِأَعْيُنِنَا ۗ وَسَبِّحْ بِحَمْدِ رَبِّكَ حِينَ تَقُومُ» اعتبرتها رسالة من ربنا ليا أو هي بالتأكيد رسالة من عند الله .. وبالفعل صبرت وحياتي بدأت من جديد .. اشتغلت في شركة عمري ما كنت أحلم بيها ورجعت لحبيبتي .. وروحت أنا وأمي عملنا عمرة .. واتجاوزت وحياتي بقت مستقلة وده بفضل ربنا ..



الضيف الثاني افضل ..

أنا مشكلتي غريبة شوية وممكن أغلب الحاضرين ميفهمواش .. بس هحاول أبسطها على أد ماقدر .. من أربع شهور قررت أنهي حياتي .. كنت تعبان وطاقتي على التحمل والصبر نفدت .. كنت تعبان وماكنش فيه حل قدامي غير الانتحار .. مسكت قلبي وبدأت أكتب اللي بيدور جوايا ..

«أزيك يا أنا؟ اول مرة اكلم نفسي في ورق .. مميم نفسي؟ هي فين دي أصلاً .. أنا مش لاقى

هنا أنت

نفسى! أنا معرفش أنا مين! أنا مليون شخصية في بعض.. مش مجرد أفكار بتقتحمي أو أصوات بسمعها ومشوش مابينهم أو حتى تقلب في المزاج.. أنا حاسس إني كام شخصية في بعض وكل شخصية مضادة للتانية وكل شخصية ليها تعب خاص بيها!

فصام؟! جايز ليه لأ! بس أنا حاسس بالشخصيات اللي جوايا ومريض الفصام مش بيكون مدرك لمرضه.. يمكن تبقى أصوات جوايا مش شخصيات أو حتى ممكن تكون أفكار متناقضة!»

أسوأ شيء في الوجود إنك متعرفش انت مين ولا إيه اللي جواك ولا انت بتعمل إيه هنا ومطلوب منك إيه! ودة سبب كافي يخليني أنتحر! وبالفعل حاولت أنتحر.. أخذت حقنة هوا بس خوي من ربنا خلاني أحاول أبطل مفعولها.. فاتصلت بأخويا وقولتله.. جه بسرعة وأخذني وداني المستشفى.. فحصوني هناك.. والفحوصات أثبتت إني سليم تماماً وإني معرفتش آخدها في الوريد..

وفي المستشفى حصل حاجة غريبة جداً! الممرضة كانت منورة في عيني عن باقية الخلق! حسيت إني

هنا أنت

بحبها ودة كان أغرب شيء بالنسبالي.. ازاي أحبها وأنا كنت بحن للي كنت مرتبط بيها وسابتني! حاولت أقاوم نفسي وأبعد عنها بس نفسي كانت بتاخذني كل يوم للمستشفى عشان أشوفها وأملي عيني منها..

مريم! (اللي كنت مرتبط بيها) مابقتش بتيجي على بالي وفجأة الحياة اخلوت في عيني كل ماشوفها.. ولقيت نفسي معاها والأصوات اللي كنت بسمعها بطلت تيجي.. والأفكار المتناقضة أو الشخصيات اللي كنت حاسس بيها فجأة اختفت.. بس وجهة نظري عن الحياة متغيرتش..

أنا مؤمن بـ إن الحياة بشعة لأبعد الحدود.. بس الحب هو اللي بيحليها في عيوننا.. الحب هو اللي بيخلينا نعافرنكمل ونبقى أسعد ناس حتى لو حياتنا مليانة مشاكل.. الحب هو اللي بيحل المشاكل بكل سهولة.. ويخلينا نرضي بحالنا.. ومش شرط الحب يكون علاقة عاطفية.. ممكن حب لشيء بتعمله أو حب لموهبتك أو حب لصاحب ليك أو حتى حب لأهلك..

الفصل الثالث

اللغة يا إلهي! أين أنا وماذا أفعل.. لا أعلم لا
أعلم.. كل الذي أعلمه هو أنني أعيش مع جماعة
من المنافقين والمفارعين..

انتهت الندوة وانصرفت للحديقة..

جلست في الكافيتريا على إحدى الطاولات الجانبية
الهادئة.. استقبلني الجرسون بابتسامة الترحيب،
فطلبت منه فنجان قهوة ثم أشعلت سيجارة..

بحثت عن مذاكراتي فلم أجدها في جيبى فسرعان
ما تذكرت أنني تركتها في غرفتي..

نظرت حولي لأجد فتاة في منتصف العمر تنظر
إليّ، يبدو أنها تراقبني.

دائماً يحاوطني الشعور بالخوف والتوتر حين ينظر
إليّ الناس، الجميع يحقد عليّ لأنني مشهور، ولا أحد
يعلم كم عانيت من شهرتي، كم مرة بكيت في غرفتي
وحيدي لأنني أخاف من نظرات الناس وحديثهم، كم
مرة انتابني التوتر حين يشير أحد المارة ناحيتي كأنني
لص.. كم مرة انهرت من البكاء بسبب نقدهم
لمظهري الخارجي..

وحين رأتنى أنظر إليها، وقفت واتجهت نحوي.
سألتني هل لديك مانع إن جلست معك، جاوبت بلا
جلست ثم بدأت الحديث عن الخوف..

الخوف هو عدوي الأول يا أستاذ مكرم!! أسوأ
إحساس ممكن يحسه الإنسان هو الخوف.. الخوف
من بكرة.. الخوف من الفشل.. الخوف من الخذلان
والألم.. الخوف من نتيجة حاجة نفسك تعملها..
الخوف من المجهول! الخوف من ربنا! الخوف بيفسد
لحظات سعادتي! دايمًا الخوف بيحطني في دوامة
أسئلة ملهاش آخر زي.. وبعدين؟ إيه اللي هيحصل!
إيه اللي مستنيكي! فتيجي الإجابة هي الانتحار!

ضحكت ثم أكملت حديثها!

حتى الخطوة اللي بتفصلني عن الانتحار مش
قادرة عليها من خوف من ربنا! أنا بموت بالبطيء من
الخوف والوسواس القهري!

أخذت الرشفة الأخيرة من قهوتي ثم قالت لي
المعذرة لكني كنت في حاجة إلى شيء مر أكثر من
وجعي! ثم أكملت حديثها.

هنا أنت

الاكتئاب.. الوسواس القهري.. لعنة الخوف
والفقدان.. المرض النفسي عموماً تملك مني، وأنا
هصارحك أنا ضعفت.. ضعفت يا أستاذ مكرم..
أنا كدبت عليك.. أنا أخذت خطوة الانتحار
خلاص.. أنا سرقت سرنجة من التمريض وأخذت
الحقنة في الوريد..

اتصدمت ووقفت فجأة! حاولت أنه أي شخص
كي يساعدي أبطل مفعول الحقنة لكنها منعتني
ووضعت يدها على فمي!

اهدأ يا عزيزي.. خلاص عزرائيل بيقترب مني
وهقابل رب حنين وطيب.. محتاجة أطلب منك طلب
وياريت توافق.. أنا نفسي حد يحضني.. حطني على
صدرك عايزة أحكيك على سر قبل ماموت!

لم أتحمل كلامها وبدأت في البكاء ووضعت رأسها
على صدري..

أنا بكره أهلي كره العمى.. هما السبب في كل
مشاكلي.. هما اللي وصفوني بألغن الصفات عشان

كلمت ولد زي أخويا بكل احترام! كنت بكلمه عشان
عوضني عن أخويا..

أخويا اللي دايمًا بيضربني في الرايحة والحاية..
واللي عمره ماحضني ولا سألني محتاجة حاجة!
وأمي قالت عليا مش محترمة عشان بعوض أشخاص
مكانهم! ولما عرفوا إني مريضة نفسية ذلوني وقالوا
عليا مجنونة.. وجابوني على هنا ومن بعديها محدش
سأل عليا.. أنا بكرهم جدًا يا أستاذ مكرم!

قالت آخر كلامها والموت عانقها.. يالها من مسكينة.



جاءت الشرطة كي تحقق في مسألة موت فتاة
الكافتيريا.. استجوبوني كي يحققوا معي أخبرتهم
إني لا أعلم عنها شيء حتى أنني لا أعلم اسمها..



ذهبت إلى الغرفة فوجدت معتر في انتظاري ومعه
ورقة الإرشادات الطبية.. سلم عليّ وعانقني ثم طلب
أن نصبح أصدقاء بالخارج.. اعتذرت له وأخبرته بأني
أفضل الوحدة عن الأصدقاء..

ابتسم قائلاً ..

بس أنا شوفت منشور ليك على الفيسبوك بتقول فيه «ساعات بيجي عليا وقت وأكون محتاج حد جنبي.. حد يحفزني. حد لما أكون مخنوق أجري أترمي ف حضنه وأحكيه كل حاجة مضايقاني.. حد يكون معايا في الحزن قبل الفرح.. حد يشاركني أدق تفاصيل حياتي واهتماماتي من غير ما يزهق مني.. حد آخذ رأيه في قرارات حياتي.. حد يعوضني عن حنان أهلي اللي عمري ماشوفته.. حد يكون ليا أنا وبس!»

امتلاً صوتي بالضحك وأنا أقول

الكلام لا يمثلني إنه مجرد منشور فقط..

«إنه مجرد منشور فقط» لا تصدق من يقول هذه المقولة.. فالجميع يكتب ما يدور بداخله وما يشعر به وما يعبر عنه.. لكن الخوف من نظرة الشفقة تجعلنا نكذب ونكابر..

صمت لثوانٍ ونظر إليّ كأنه يعلم أنني أكذب.

ثم ابتسم قائلاً..

متأكد إنك مبسوط وانت لوحيدك!

لم أجب عليه وتركت الصمت يجاوب بدلاً عني..
لأنني لا أحب الكذب.. أنا بالفعل لست سعيداً بكوني
وحيداً منعزلاً عن البشر.. ولكني أحدث نفسي دائماً
عندما يدخل أي شخصاً حياتي. حينها يصيبني
التعب وأتخيل النهايات الحزينة وعودة الجحيم الذي
كنت أعيش فيه مرة أخرى من جديد.. أتذكر
أولئك الذين تركوني وخذلوني.. أتذكر الحقد
والطعن من الظهر من أقرب الأشخاص لي.. لم أسعد
بالوحدة أبداً ولكني لم اشعر بالراحة والاطمئنان إلا
وأنا وحيد.. بين الوحدة والعزلة حب متبادل وصادق.

رحل معتز.. أحضرت حقيبة السفر وفتحت
الباب فإذا بشاب يتجه نحوي.. كان شاباً لم يتجاوز
العشرين عاماً.. له شعر طويل ولحية خفيفة..
يرتدي قميصاً أسود مع بنطالٍ أسود..

الكاتب العظيم مكرم عوض!

نعم.

أنا سعيد الحظ عشان شوفتك!

أنا ممتن للكلام اللي هتقوله عني بس أنا لازم

أمشي دلوقتي!

مش هاخذ من وقتك ربع ساعة.. أنا تعبان

ومبعرفش أبوح بحاجة للدكاترة هنا.. أنا من حبي

في كتاباتك مرتاحلك.. هحكيلك حاجة بسيطة

يمكن أرتاح!

وافقت على طلبه وجلسنا سوياً على السرير.

أشعل سيجارته وبدأ يحكي قائلًا..

أنا تعبان، تعبان وجبت آخر نفس فيا، الحياة

سيئة، سيئة للغاية وعبارة عن جحيم، واحنا عشان

نعيش بنغمض عيننا وبنوهم نفسنا إن الحياة وردية

وكل شيء هيبقى تمام بكره. بس ده كذب، كذب

صدقني..

الحياة لو كانت وردية ماكنش ربنا نزل آدم عقاب

فيها، حتى أمي كدبت عليا لما قالتلي الحياة حلوة

هنا أنت

للي يحبها، أو يمكن كلامها صح بس في أيامها هي،
لما كانت الحياة أقل قسوة مما عليه حالياً .

تحب أحكيك مشاكلك اللي عانيت منها سنين؟
ولا أقولك أهم مشكلة في حياتي وهي مشكلتي مع
أهلي؟ أو اللي زي أهلي، أنا مش حاسس إنهم أهل
أصلاً، معنى كلمة أهل يعني دفا وحنان واطمئنان
وأمان وأنا عمري ما حسيت بـ ولا حاجة من دول ..
عمري ما ارتحت ليهم، ولسة عند رأيي إننا مينفعش
نعيش مع بعض، أنا تعبت ومش قادر أتعايش معاهم
ولا قادر أقلم حياتي معاهم، هما كل حياتهم كذب
ونفاق وخداع بالمختصر غلط في غلط .. ومبيعرفوش
يعالجوا المشاكل، دائماً زعيق وصوت عالي وضرب
 وإهانة .. دائماً بيكسروا نفسى، وأكثر حاجة بتوجعني
منهم إنهم بيسخروا من وجعي واكتنابي اللي هما
أساساً السبب الرئيسي فيه ..

تعرف يا أستاذ مكرم ولادتنا عبارة عن بذرة أهلنا
حطوها في الحياة ولما بنكبر هما بيستلموا الحصاد ..
سواء الحصاد إيجابي أو سلبي هما أساسها .. يعني
بالمختصر الشديد الأهل هما أساس نجاحنا أو فشلنا،

هنا أنت

أساس ضحكتنا أو عياطنا .. أساس الأمل والتفاؤل أو
المشاكل والإحباط التي احنا عايشين فيه ..

بس أرجع وأقول .. ده يمكن ابتلاء من عند ربنا
وبيختبر صبري وهيشوفني هحمده ولا لأ!

أعجبتني أفكاره وفلسفته عن الحياة والأهل وقلت
له .. تتمنى أهلك يكونوا عاملين ازاي!

أتمنى أهلي يكونوا صحابي قبل مايكونوا أهلي .
بيعرفوا يعني إيه احتواء .. ومش معترفين بالضرب
والتعصب .. يكونوا حابين يفهموني ويدوني طاقة
إيجابية مش سلبية .. يعرفوا يهتموا ب أدق تفاصيل
حياتي من غير ماتسبب ليا خنقة .. يكونوا مؤمنين
ب إنهم زرعوا بذرة «نجاح أو فشل هما السبب فيه »
مؤمنين ب إن الاكتئاب ملهوش سن معين .

صدقني كون إن أهلك صحابك .. مبتتكسفش
منهم ولا بتخاف تحكيلهم حاجة ف يفهموها غلط
ويتعصبوا عليك .. كون إن أول حد بيخطر على
بالك في أي مشكلة هو أهلك .. كون إن مفيش

هنا أنت

حدود ف معاملتك معاهم وبتقدر تهزر قدامهم
وأسرارك معاهم وأسرارهم معاك.. ده شيء مبهج
جدًا بس للأسف عمري ما حسيت بـ ولا حاجة من
دول!

أنهى كلامه قائلاً.. شكراً إنك سمعتني..
رَبْتُ على كتفه ثم خرجت وغادرت المستشفى..

الفصل الرابع

استيقظت من نومي لأجد نفسي على سريرى
وفي بيتي! سرعان ما تذكرت أنني غادرت المستشفى
بالأمس..

أحضرت فنجاناً من القهوة وأشعلت سيجارتي ثم
جلست على الطاولة..

فتحت الحاسوب لأقرأ الرسائل البريدية
الجديدة.. كانت أغلب الرسائل تحمل الأمنيات
بشفائي العاجل.. اندهشت حينها.. في الحقيقة لم
أتوقع أن خبر دخولي المستشفى سوف ينتشر على
مواقع التواصل الاجتماعي، لكن لا يهم..

نشرت خبر خروجي من المستشفى وعودتي لحياتي
الطبيعية من جديد.. لكن هذه المرة حددت وقت
سماع المشاكل لمرتين في اليوم الواحد..

ضغطت على زر إظهار أول رسالة.. كانت الرسالة
على هيئة سؤال من فتاة تدعى يسرا.. كانت تسأل
لماذا نعيش؟

هنا أنت

أشعلت سيجارة أخرى وأخذت أفكر في إجابة
السؤال.. الحقيقة أنا لا أحب الأسئلة من هذا
النوع.. لأنها تشغل حيزاً كبيراً من تفكيري.. وفي
النهاية لا أصل لإجابة مقنعة.

وفجأة استشهدت بآية قرآنية (ما خلقت الجن
والإنس إلا ليعبدون)

ردت عليا قائلة..

رُدْ عليا بعيداً عن الدين والروحانيات أو سبني أنا
أرد لو مش لآقي رد
اتفضلي..

احنا عايشين عشان نتوجع ونتعب ونعيط ونعافر
في حيلة سد.. عايشين عشان نحس بالعجز لما نكون
عايزين حاجة ومنقدرش عليها.. عايشين عشان ننهار
كل يوم من التعب والإرهاق.. عايشين عشان ندخل
في دوامة من الذكريات والحنين والاشتياق لناس
باعونا ومشيووا.. احنا عايشين عشان نتألم فقط يا
عزيزي..

عظيم..

هو إيه اللي عظيم؟

كل كلامك بيدل إنك كويسة!

إحساسك بالتعب ده شيء عظيم مش هتعريف
قيمه غير لما تفقديه.. الخوف يا عزيزتي على الناس
اللي بطلوا يحسوا.. الخوف على الناس اللي مابقتش
بتعرف تعيط.. دول اتدمروا حرفياً، خلاص مبقاش
فارق معاهم حاجة إحساسهم مات.. بيتعاملوا بكل
حاجة بمنتهى اللا مبالاة أما الناس اللي لسة بتعيط
وبتتعب دول لسة بيتأثروا وإحساسهم حي.. وعندهم
شغف لحاجات كثير.. كتر العياط مش بيموت ولا
حاجة. بالعكس الناس اللي مبتعيطش دي ممكن
تموت في أي لحظة..

شعرت للحظة أنها صعقت من إجابتي، بالتأكيد
ليس لديها رد.. فقط أنهت الحوار وشكرتني على
وقتي..

الرسالة الثانية كانت من شاب يدعي كريم
فهمني .. كان يقول:

الويسكي خسرتني صاحب عمري!

تخيل لو نزلت الجملة دي في بوست على
الفيسبوك .. إيه اللي هيحصل؟ أكيد الناس هتسيب
الموضوع ويمسكوا في كلمة ويسكي ويشتموا فيا عشان
شربت خمرة وتعليقات فيها ترهيب ديني ..

ومحدث فيهم هيلتمسلي عذر ولا حد هيسألني
«طب شربت ليه» ولا حتى «خسرت ليه»

الحقيقة المرة إن أغلب الناس ما بقتش تطاق ..
لو حد فيهم شافك بتعمل حاجة غلط هيضحك
بالمعنى الحر في للكلمة وكاله هيضحك عليك
ويشتمت فيك وقليل جداً اللي هيساعدك تبطل
الغلط وتمشي في الطريق الصح .. كلامي ممكن
يكون متناقض مع كلام أمي ليا وأنا صغير لما قالتلي
«زي ما فيه الحلو فيه الوحش» لكن للأسف الكلام ده
مش صح . الحقيقة إن الوحش غطى على الحلو ..

هنا أنت

والسخرية من وجع الناس بقت من الصفات الأساسية
للبنى آدميين..

أما بعد،

خليني أجاب على الأسئلة اللي ذكرتها.. شربت
ليه؟؟ عشان حاولت أنسى آخر سنتين من عمري..
حاولت أفقد الوعي.. حاولت آخذ بريك عن التفكير
في مشاكلي.. شربت عشان حاجات كتير لكن
للأسف المحاولات بائت بالفشل وماحدثش غير ذنب
عظيم عند ربنا ونهيت علاقتي ب صاحب عمري.

نهيت العلاقة عشان الويسكي كشفه على
حقيقته.. كشف الجانب المظلم منه.. أنا فاكرو
اليوم ده كويس لما اتقابلنا وقولتله إني محتاج أفقد
الوعي وأشرب خمرة قالي وأنا كمان..

وروحنا اشترينا إزازه ويسكي ٤٠٪.. أنا شربت ربع
الإزازه وهو شرب الباقي.. أنا ماحصليش حاجة وهو
فقد الوعي.. أنا كنت ثابت وهو انهار من العياط.
وفجأة لقيته بيشتمني وبيقولي.

هنا أنت

«أنا على طول بحسدك .. كل ماتحكي لي عن
علاقتك بحبيبتك بقول اشمعنا هو فيه إنسانة بتجبه
وسعيد معاها وأنا الإنسانة اللي حبيتها ما حبتنيش ..
بحسدك كل ما بشوفك بتضحك وسط أهلك وهما
قريبين منك .. وأنا أهلي أبعد ناس عني وبحسهم
مش بيحبوني .. تعرف؟ يوم ما والدتك ماتت أنا
كنت أسعد واحد في العالم، أخيراً شوفت حاجة
كسرتك .. عمرك ما تهتس بالنار اللي جوايا كل
ما أشوفك فرحان .. أنا بكرهك .. بكرهك جداً»
سمعت كلامه الممزوج بالعياط واتصدمت ..
كانت صدمة كبيرة .. صاحبي اللي متربي معايا
من وانا في حضانة طلع بيكرهني وبيتمنالي الشر!
عمري ما كنت أتصور إن صاحبي بيحسدني على
حاجة ناقصة في حياته! أنا كنت بحسبة بيفرح
لفرحتي! ٢٠ سنة وأنا مغفل وعائش في وهم معاها!
روحت بيتي مش عارف أستغفر رينا على ذنبي
ولا أشكره عشان وضحلي حقيقة صاحبي! صليت
واستغفرت رينا.

هنا أنت

وبعديها قعدت لوحيدى أفكر كام واحد زى «عبد

الرحمن»؟

كام واحد بيتمنى الجحيم لصاحبه.. كام واحد

بيحسد صاحبه على حاجة مش عنده.. كام واحد

بيفرح لما يحصل لصاحبه أي حاجة سوء.. كام واحد

بيضحك في وش صاحبه ومن وراه بيطعنه في ظهره!

أخذت منوم ونمت بس قبل ما أنام قررت ما صاحبش

حد تانى وأفضل وحيد وانطوائي بس لما صحيت قعدت

على مكتبي ولقيتني بفتح لآب توب عشان أكلمك

وأحكيلك كل حاجة..

- العزلة والانطوائية مش حل للى حصلك.. ده

اسمه هروب وعمرك ما هترتاح فيه.. الحل الوحيد

هو إنك تواجه مشكلتك وتتصارع معاها وتنقى

صحابك كويس..

عمري ما هترتاح فيها ازاي! أنا عمري ماشوفت راحة

غير وأنا لوحيدى.

هنا أنت

- دي اسمها راحة مؤقتة.. أو انت بتوهم نفسك
إنك كويس فبالتالي بتحس بالراحة.. إحساس
الوحدة عمره ما كان راحة.. دي كدبة وكلنا
بنحاول نصدقها عشان مش لاقين حد يستاهل
كلمة «صاحب»..

الفصل الخامس

هنا أنت

مر شهر على فراقى لمرام كانت فترة صعبة إله
أبعد الحدود.. كنت أستيقظ من النوم ثم أحتسي
القهوة وأرد على الرسائل ثم أتابع المارة من الشرفة
عسى أن أجد ملامحها في وجوه البشر.

٢٠١٨/٦/٢

استيقظت من النوم لأجد رسالة من مرام على
الهاتف.. حينها لم أتمالك نفسي من البكاء.. مرام
رجعت لي مرة أخرى! سجدت لله وشكرته قبل أن
أضغط على زر العرض.. وحين انتهيت من السجود..
أمسكت الهاتف وضغطت على الزر لكن للأسف ظهرت
رسالة بـ أن البطارية فارغة وعلى إعادة شحنها
مرة أخرى! أشعلت سيجارة لكي أهدئ من عصبيتي
ووضعت الهاتف على الشاحن الكهربائي.. ثم أحضرت
مذاكراتي وبدأت في كتابة إحساسي تجاه مرام..
«مرام أهلاً بيكي في عالمي من جديد.. بالتأكيد
مقدرتيش تعيشي من غيري والفرق نهش روحك..
أكيد دخلتي في دوامة من الذكريات والحنين ليا زي
منا دخلت بسبب فراقك عني..»

هنا أنت

تعرفي؟ للحظة ما حسيت إنك عمرك ما حبتيني
لأن يا حبيبتي اللي بيقرر يفارق، يفارق بسلمية تامة
من غير ما يوجع الثاني.. هو بالتأكيد في الأول وفي
الآخر اسمه فراق وأي فراق مهما كان ظروفه بيوجع
لكن الشخص لما بيمشي بيحاول على قد ما يقدر
يقلل الوجع اللي هيتركه للشخص الثاني حتى لو
بطل يحبه أو حبة اتحول لـ كره..

فيه حاجة اسمها احترام للماضي واحترام اللي
كان ما بينهم.. وانتي ما احترامتيش كل ده وقتلتيني
وانتي ماشية.. وقعدتي تتضحكي عليا وأنا بطلع في
الروح.. لكن عارفة مش مهم كل اللي قولته ومش
مهم انتي عملتي إيه لما قررتي تبعدني.. المهم إنك
رجعتيلي من تاني وأنا مسامحك على كل الوجع
اللي مريت بيه بسببك.. بحبك يا عزيزتي»



أمسكت الهاتف وضغطت مطولاً على زر «التشغيل»
لكي يعود إلّ عملة مرة أخرى وأقرأ الرسالة، ضغطت
على زر العرض وصُغقت.. صعقة من جديد تقتلني!
كانت الرسالة على هيئة دعوة لحضور حفلة زفافها..

هنا أنت

حاولت أن أتمالك أعصابي هذه المرة لكن للأسف نفسي خانتني وسقطت أرضاً.. لكن الغريب في الأمر هو أنني لم أصرخ.. لم أبكي.. لم أنهار.. لم أستطع استيعاب الأمر من الأصل.. حاولت أن أقوم من مكاني وبالفعل وقفت واتجهت نحو صندوق التمريض وأخذت قرص منوم.. ثم ذهبت في النوم..

استيقظت لأجد نفسي نائماً على الأرض.. كان عقرب الساعة يشير إلى منتصف الليل.. أمسكت هاتفني وبحثت في قائمة الأرقام على أي شخص كي أتصل به وأخبره إنني متعب جداً وأحتاج لعناق أبوح فيه بكل أوجاعي لكن للأسف لم أجد أحداً يستحق هذه الثقة أو في الحقيقة لا يوجد أحداً في هذه البلدة يريد سلامتي أو يهتمه أمري.. شيء مؤسف أن يكون في حياتك أشخاص يدعون أنهم أصدقاءك وأهلك وحين تنهار لا تجد من يربت على كتفك ويعتذر لك نيابة عن العالم.

كالعادة أحضرت مذاكراتي لكي أكتب ما يدور

بداخلي.

هنا أنت

«مرام.. أحبيكي على كل أفعالك اللي بتقومي
بيها.. الحقيقة إنك فنانة في تدمير كل الناس
اللي بيحبوكى.. وقادرة تخلي أي حد يكرهك بعد
ماكان روحه فيكي.. لكن للأسف أنا مش واحد من
دول.. بعد كل اللي عملتیه معرفتش أكرهك أو
الصراحة بكابروبحاول أوهم نفسي إني لسه بحبك..
عايز أقولك إن صورتك زي ماهي في عيني متهزتش
وهتفضلي زي مانتى طفلى وبنتى حتى لو اتجوزتى
هفضل الأب اللي مستنى رجوع بنته»

أغلقت المذكرات وقمت بإشعال النار بها.. الحرق
كان بمثابة بداية لحياة جديدة.. حياة جديدة بدون
مرام..



أحضرت معي ورقة وقلم ووضعتهم في جيبى ثم
خرجت من المنزل لكي أتمشى على البحر.. الحقيقة
أنا والبحر بينا كره متبادل ولم نتفق على شيء
قبل ذلك.. لقد سلب مني كل شيء حتى أقرب
الأشخاص لقلبي.. صديقي أحمد

هنا أنت

أخرجت الورقة والقلم من جيبى وبدأت في الكتابة..

ازيك يا أحمد؟ أنا عارف إني مجنون عشان بكتب رسالة ليك وانت ميت من ٨ سنين. بس ما باليد حيلة معنديش طريقة أتواصل معاك غير بالرسائل..

«ازيك يا عزيزي عايز أقولك إني لسة فاكرك..»

لسة فاكرك أدق تفاصيل حياتك رغم إن مر على فراقك سنين.. لسة فاكرك آخر فلوس إديتهالي وماكانش معاك غيرها وفرحتي بيها.. لسة فاكرك ضحكتك وملامحك. لسة فاكركعدتنا على الشاطئ.. لو كنت أعرف إن دي آخر مرة أشوفك فيها كانت هتفرق كثير.. بس انت مشيت وارتحت من مستنقع غابتنا وسببتني وحيد مرمي في بلاد غريبة ملامحها كلها قسوة وأنا لسة طفل مبيديش غير البكا والسهر والليل وعذابه.

مش ناوي يا عزيزي تزورني بقى في حلم؟!»

انتهيت من الرسالة وضحكت بشكل هستيري..

شيء غريب!.. أول مرة أضحك بعد رسائلي لـ احمد. دايمًا كنت أنهار من البكاء.. ماذا يحدث!! رد عليّ يا الله!! مزقت الورقة.. وأخذت ورقة أخرى

هنا أنت

وكتبت رسالة ثانية!! اللعنة ماذا يحدث.. أشعر بأن هناك قوة تحركني رغماً عني.. أمسكت القلم وكتبت رسالة أخرى.

«مساءك ورد يا صاحبي.. فات على فراقك ٨ سنين.. في ٨ سنين دي حاجات كتير اتغيرت ده لو ماكانش كل حاجة.. يا تري لو كنت عايش كنت هتفضل معايا؟ ولا هتسبني زي كل الناس اللي سابوني! تعرف؟ أغلبنا غلابة لما حد يكون غالي علينا ويموت.. بنقعد نتعذب على فراقه ونسينا إنه لو كان فضل عايش كان الزمن غيره وسبنا ومشى وعاش مع ناس غيرنا!»

امتلاً صوتي بالضحك مرة أخرى حين اقتحمتني مشاعر نحو مرام.. صوت الضحك ارتفع أكثر من اللازم وبدأت الناس تنظر إليّ باستغراب..

مرام..

مرام تشبه البحر تماماً.. جميلة من الخارج لكن أول ما تتعمق فيها من الداخل بالتأكيد سوف تغرق

هنا أنت

وتأخذ منك كل شيء.. ومهما شعرت أنك تعرفها
سوف يأتي موقف عابر يؤكد لك أنك لا تعرف
عنها شيء.. ومهما شعرت أنك عزيز عليها سوف
تبيحك في أقرب فرصة متاحة وتسلب روحك..

- الكاتب مكرم عوض؟

صوت من الخلف قطع حبل أفكارى.. كان
الصوت صادر من فتاة في منتصف العمر..
أشعلت سيجارة ونظرت لها ثم أجبت بـ نعم
أنا معجبة بكتاباتك جداً ومستغربة من عمرك..
كتاباتك بتدل إنك شخص عجز عنده خبرة
كبيرة في الحياة.

ابتسمت ولم أجب عليها.

- أكيد طبعاً قرئت كثير عشان توصل للى انت
وصلتله.

امتلاً صوتي بالضحك.

بغض النظر عنى.. أنا مش مقتنع بجملة «القراءة
الكثيرة تجعل منك كاتب عظيم».. الكتابة مش

هنا أنت

محتاجة غير وجع عظيم وتجارب تكتبي عنها.. أديكي
مثال بسيط.. انتي لو قرיתי كتب عن تجارب الناس
مع النار وازاي اتحرقوا منها هتكتبي خلاصة اللي انتي
فهمتيه منهم.. أما لو جربت تلمسي النار هتكتبي
ساعتها شعورك واحساسك عنها.. فهمتي؟

- انت شخصية عظيمة فعلاً..



عدت إله المنزل بعدما شكرتها على حديثها..
كانت الساعة حوالي الثالثة صباحاً.. قمت بتجهيز
حقيبة الملابس والأغراض الشخصية ووضعت أيضاً
أربع علب من السجائر.. وعند انتهائي من تجهيز
الحقيبة.. تجولت في المنزل لأودع كل شيء كأنني
لن آتي إله هنا مرة أخرى..

أشعلت سيجارة أخرى وجلست على الطاولة..
وأخذت أفكر فيما سيحدث لي..

دائماً كانت تأتي الإجابة بالانتحار هو الذي
ينتظرني غداً.. لكن هذه المرة قررت أن أعطي لنفسي
فرصة أبدأ فيها حياة جديدة.. لكن سرعان ما فاض

هنا أنت

بركان المشاعر واقتحمتني الأفكار المتعلقة بـ مرام..

وأخذت أسأل نفسي كيف عليّ أن أبدأ حياة جديدة بدونها.. كيف عليّ استيعاب فكرة السعادة بدونها من الأصل.. وهنا بدأت المعركة بين قلبي وعقلي.. بين حياة قلبي راسمها وبيتمناها وبين عقلي الذي يرفضها.. صدق الذي قال إن أصعب الصراعات هو الصراع الذي يحدث بداخلك نتيجة حرب بين قلبك وعقلك..

قاطعني صوت جرس الساعة ليخبرني بأنها السابعة صباحاً وأن عليّ التحرك الآن.. وبالفعل أخذت الحقيبة وخرجت ركبت تاكسي لكي يوصلني إلى مستشفى العمورة للعلاج النفسي والإدمان.

وحين جلست على المقعد أخذت أقول لنفسي..

«اهدأ يا مكرم.. اهدأ يا عزيزي.. لا يوجد شيء يستدعي توترك وقلقك.. كل شيء سوف ينتهي.. كل هذا الهراء سوف ينتهي وتبدأ حياة جديدة.. حياة رمادية مثل لون مذاكراتك الجديدة التي اشتريتها قبل أن تركب التاكسي»

هنا أنت

شكل حضرتك متوتر.. انت رايح تزور حد هناك؟

صوت سائق التاكسي قاطعني..

الحقيقة كنت سأرد عليه ردًا غير لائق لكن سرعان
ما تذكرت أنني قررت أن أبدأ حياة جديدة.. فحاولت
أن أكون لطيفاً معه وأجواب على أسئلته..

لا أنا رايح اتحجز أغير جو وأحاول أفصل عن
العالم الخارجي شوية.

ضحك بسخرية..

حضرتك تقريباً ماروحتش المستشفى دي قبل
كدة.. هناك الحالات الحرجة.. اللي بيدخل فيها
بيكتتب أكثر.. انت شكلك مش بتقرا جرايد صح؟
آه فعلاً مش بقرا.

من يومين الجرايد نشرت خبر انتحار دكتور
كان بيشتغل في المستشفى.. غرضي من الخبر إن
الدكاترة اللي شغالين فيها بينتحروا ما بالك بقى
المرضي اللي هناك بيعملوا ايه؟ بس عارف بردو أنا
فرحان إن الدكتور انتحرو وراح في داهية.. تعرف ليه؟

- ليه؟

لأن استغفر الله العظيم.. استغفر الله العظيم
كان ملحد ونشر رسالته الانتحارية على النت كان
بيسخر من حديث..

- انت مؤمن بوجود ربنا وهو مؤمن بعدمه.. انتم
الاتنين وجهة نظركم تحترم مهما كانت غريبة
علينا.. في الأول والآخر انتم بشر وبني آدمين واجب
علينا نحترمكم.. وصدقني انت متعرفش مكانة
الراجل اللي انتحرده عند ربنا إيه.. الشخص اللي
يلحد بيلحد بعد عذاب من التفكير والمعاناة..

بالفلسفة بتاعتك دي باين عليك ملحد؟

ضحكت واكتفيت بالاستغفار عن سؤاله..

وذهبت إلى عالم الذكريات.. كان يقول والدي
إن الإنسان الملحد يشبه تماماً مصباح الكهرباء
المحروق.. المصباح يحترق حين يزداد فولت الكهربيا
أما الشخص الملحد بيلحد حين يزداد التفكير في
المجهول أكثر من اللازم.

هنا أنت

لا أحد يستطيع إثبات وجود الله من عدمه لكن
يأتي الدور هنا إلى الإيمان.. الإيمان الداخلي للذي
خلقنا جميعاً..

يا أستاذ.. يا أستاذ وصلنا.. يا أبا بيه.

صوت السائق قطع رحلة ذكرياتي.. ابتسمت له
وشكرته ثم اتجهت إلى بوابة المستشفى..

أخبرت مسئول البوابة إنني أريد أن أقابل الدكتور
معتز.. نظر إلى جيداً ثم قال: معتز تعيش انت...
انتحر من يومين.

لم أستوعب الأمر.. سألته مرة أخرى.. معتز؟

رد بالدعاء له.. رددت الدعاء معه وأغلقت عيني
وذهبت في غصوة من الذكريات..

تذكرت مقابلي معه وتذكرته عندما حكى
مشكلته عن طفولته.. تذكرته عندما طلب أن
نصبح أصدقاء وفي الختام تذكرت حديث سائق
التاكسي عنه..

- طب أنا سمعت إنه ساب رسالة انتحارية.. ممكن

ألاقيها فين؟

هنا أنت

حضرتك ممكن تقابل دكتور طارق في مكتبه
وهو صديق معتز وممكن يوريك الرسالة..

شكرته واتجهت إلى المكتب.. استأذنت ودخلت..

أستاذ طارق؟

أستاذ مكرم عوض.. تعالے اتفضل..

انت تعرفني؟

معتز الله يرحمه حكالي عنك وكان بيحبك

الله يرحمه..

أنا لسة عارف دلوقتي الخبر ومشوفتش رسالته
الحقيقة وعندي فضول أقراها..

أنا لسة طابعها حالاً.. اتفضل..

أخذت الورقة منة وقرأتها باهتمام شديد

«يا الله هل تسمعني؟ أنا عبدك الفقير معتز..

حابب أتكلم معاك عني وأحكيك عن حياتي اللي

انت عارفها طبعاً.. بس حابب أتكلم يمكن أرتاح أو

أراجع عن فكرة الانتحار..

هنا أنت

مبدأياً أنا عندي إيمان بإنك موجود وحاسس
بيا وعمري ما شكيت في ده.. أنا بس كل ذنبي إني
سخرت من حديث.. الحديث بيقول «الجنة تحت
أقدام الأمهات» سخرت منة عشان الكلام مخالف
لأمي.. أمي كانت عاهرة الجسد والروح.. كانت
بتخون والدي مع عشيقها..

في يوم والدي كان مسافر وأنا كمان كنت مسافر
مع صحابي بس أنت تشاء يحصل حادثة في طريقي..
ف أرجع البيت ألاقي أمي نائمة في حضن راجل غريب
على سرير والدي! كانت صدمة وصاعقة كهربية..
أمي اللي كانت بتكلمني عن الأخلاق والوفاء..
بتخون أبويا! أمي اللي كانت بتدعي الشرف على
طول.. للأسف معندهاش ذرة منه.. أنا غبي! غبي
لإني نسيت إن عادة الإنسان بيتفاخر بالشيء اللي
فاقده في شخصيته.. أمي كانت على طول بتتكلم
عن الشرف والوفاء والإخلاص.. مفهمتش ساعتها
إنها معندهاش ولا حاجة من دول!

هنا أنت

قرأت الصفحة الأولى من الرسالة ولم أستطع

إكمال الباقي..

وضعت الورقة على مكتب الدكتور طارق ودعيت

بالرحمة لمعتز.. وحينها سألني طارق عن سبب عدم

إكمالي لباقي الرسالة..

جاوبت بأني حاولت أتخيل نفسي مكانه ولم

أستطع من صعوبة الموقف وقسوته..

الفصل السادس

هنا أنت

دعاني طارق للجلوس في الكافيتريا .. فاستجبت
له وذهبنا إليها ..

وهناك لم يكن يوجد ناس كثيرة لأن هذا الوقت
كان موعد الغداء والأغلبية كانوا يأكلون طعامهم
في غرفتهم ..

انت جيت المستشفى ليه؟

صوت طارق قطع تأملي لوجوه المرضى.

جيت عشان محتاج أفصل عن العالم الخارجي
وأقعد في مكان أسترخي فيه ..

انت بتهزر صح؟ انت جاي هنا عشان تسترخي!

فعلاً دي حقيقة.

منصحكش إنك تقعد هنا .. أنا ممكن أقولك
على مصحة كويسة تروح تقعد فيها ..

أخبرني اسمها ثم تركني عندما جاءت فتاة تريد
الجلوس معي .. كانت فتاة في الثلاثين من عمرها
وجهها شاحب وتحت عينيها هالات سوداء وكانت
ترتعش على ما أعتقد كانت متوترة وفاقدة أعصابها ..

هنا أنت

انتى كويسة؟

آه كويسة أو الصراحة مش عارفة أنا كويسة ولا
لأ.. عايشة ولا ميتة.. والحقيقة مش فارقة معايا
الإجابة..

أشعلت سيجارة وتركتها تكمل حديثها..

والحقيقة المرة إن اغلبنا مش عارفين احنا
كويسين ولا لا.. عايشين ولا ميتين إكلينيكياً..
بنتأثر بالأحداث اللي حوالينا ولا متبلدين المشاعر..
عندنا شغف للحياة ولا لأ.. وكل ده نتيجة تقلب
المزاج اللي بيكون بمليون حالة في الثانية الواحدة..

صمتت لثوانٍ ثم قالت ضاحكة..

انت معزمتش عليّ بـ سيجارة

انتى بتدخني؟

الحقيقة آه.. أنا أصلاً جاية في إدمان ونفسى..

اتفضلي سيجارة.

أشعلتها وشكرتني.

هنا أنت

انت أكيد دلوقتي بتقول عليا شمال عشان مدمنة.

ضحكت قائلاً

إطلاق الأحكام مش من طبعي.. أنا مين عشان
أحكم عليكى أو على غيرك.. وبعدين أنا ضد كلمة
شمال.. يعني انتي شمال واحنا يمين؟ وكمان أنا
مليش في العنصرية.. ومش بشوف فيه فرق بين الولد
والبنت.. الحاجة اللي مباحة للولد مباحة للبنات
واللي مش مباح مرفوض ليا وليكي.. صدقيني الكلام
ده اللي المفروض يتطبق ويلغي العنصرية..

انت كلامك أكبر من سنك زي ماسمعت
عك..

اسمع يا سيدي أنا حكايتي بدأت من يوم

٢٠١٤ / ١١ / ٢٣

التاريخ ده كان بداية المأساة اللي عيشتها أو نهاية
حياتي.. والدي.. والدي هو اللي نهى حياتي لما قالي
اتقدم لك عريس وأنا وافقت عليه. كانت صاعقة
بالنسبالي ازاي يوافق من غير ما ياخذ رأيي، ازاي

هنا أنت

يوافق وأنا يمكن بحب حد ومستنياه يبجي يتقدملي،
ازاي يوافق بالسهولة دي كأني ملكه؟ كأني حاجة
هو اشتراها بفلوسه وليه الحق يديها لأي حد على
مزاجه!!

سألته مين ده اللي اتقدملي، رد قالي ابن صديقي
وشريكي في الشغل محسن بيه.

رديت عليه.

«أنهي شغل ده يا بابا، أنا لحد دلوقتي معرفش
انت شغال إيه! أعرف بس إنك مشهور وكله بيخاف
منك وبيعملك ألف حساب ثم إنني مش موافقة
ومش بفكر في الجواز دلوقتي»

- «بلاش كلام فاضي.. هو اتقدم وأنا وافقت،
واجهزي كمان يومين ميعاد جوازك، انتي عارفة إنني
محبش أضيع وقت.. فانتي هتتجوزي على طول من
غير خطوبة، واتفضلي يلا على أوضتك عشان عاوز
أعمل مكاملة»

انصرفت من قدامه من غير ما أرد، هو أصلاً
مسبليش مجال أرد عليه. دخلت أوضتي وانهرت من

هنا أنت

العياط، والدي شايفني سلعة ببيعها بمزاجه من غير ما ياخذ رأيي أو شايفني صفقة بيتفق عليها مع شريكه، ولو رفضت هيحرمني من تليفوني والخروج من البيت ومش بعيد يحبسني في أوضتي ومش هيغير رأيه مهما حصل ومهما عملت.. خلاص جوازي بقى أمر واقع مفهوش نقاش..

محستش بنفسي غير تاني يوم وأمي بتصحيني من النوم وبتقولي ياسر عريسك قاعد في الصلاة مستنيكي عاوز يتكلم معاكي وتاخدوا على بعض قبل الفرح وده طبعًا بأمر من باباكي..

سألتها:

انتي موافقة على جوازي.

ردت:

«يا بنتي أنا عارفة انتي بتفكري في إيه وعارفة إنك مش موافقة عليه بس ما باليد حيلة، والدك قرر وأنا مقدرش أقف قصاده، مفيش حاجة بإيدينا غير إننا نوافق من سُكات»

وهو عايزني أنزل ليه؟

عشان تتعرفوا على بعض وتفهموا طبع بعض.

اسمعي يا أمي.. أنا اتعلمت من الحياة إن المظاهر خداعة.. دايماً المقابلة الأولي كل واحد «بيلبس قناع» على حسب الشخص اللي قدامه عايزه يكون إيه.. شخص محترم وبيصلي «بيلبس قناع الإيمان» شخص طيب وحنين «بيلبس قناع الاحتواء».. شخص بيهزر وبيضحك «بيلبس قناع الكوميديا».. شديد في المعاملة «بيلبس قناع القوة» عشان كدة مينفعش أحكم على حد غير لما أعاشره فترة.. ثم إني مش موافقة أتجوز بالطريقة دي نهائي يا أمي!

«نرمين» اسمعي الكلام واجهزي وانزلي.

نزلت وقابلته ومر اليوم ومفيش حاجة تذكر.. ومر يوم الجواز ومفيش حاجة تذكر بردو غير تهنئات سخيفة وكمية نفاق.

ومرت أيام جوازنا بحلوها في البداية ومرها في النهاية.. مرت أسوأ فترة عيشتها مع إني فرحت في البداية إني هربت من والدي ووالدتي بس اكتشفت إن لما تقبلي تتجوزي جواز الصالونات أو حتى جواز مصالح بين الأهل عشان تهربي من بيتك وأهلك

هنا أنت

ومشاكلك معاهم ده أكبر غلط عملته في حق نفسك.. الجواز اللي يبقى من غير حب بيكون شبة المحكمة العسكرية.. الغلطة بحساب ومفيش حاجة اسمها سماح ولا معلىش من أول مشكلة هتواجهكم.. البيت هيحصله انهيار حرفياً تتصبحي بخناقة وتنامي معيطة من الضرب..

وتمر السننتين وحالتي بتسوء يوم بعد يوم.. ومفيش حد جنبي، والمسألة بانة وطلع ياسر مش بيحبني وان جوازنا ما هو إلا صفقة بتربط والدي بشريكه.. انهزت طبعاً لما عرفت إن والدي شايفني صفقة مش بنته الوحيدة وحتة منه، انهزت لما لقيت ياسر أبعد خلق الله عني، وكل يوم بيجيلي البيت وهو سكران وروج البنات اللي بيقابلهم على هدومه..

تعبت وكلمت حبيبي الأولاني، حكته على كل حاجة ونصحتني أقف قدام أهلي وجوزي واتطلق وإنه هيقف جنبي لحد ما أبقي كويسة وإنه لسه مستنيني ومش شايف غيري وعنده أمل إننا نرجع لبعض ونتجوز وبالفعل وقف جنبي لحد ما تطلقت وسبت أهلي وهربت معاه لمدينة تانية وعشت معاه أحلى

هنا أنت

أيام حياتي.. لكن للأسف الحاجة الحلوة عمرها مابتكمل للنهاية.. مات في حادثة من سنة.. انهزت ساعتها من قسوة القدر.. حسيت إن الحياة ضدي ومستتكرة عليا أفرح حتى لو ثانية ومن ساعتها وأنا بقيت بتعاطي المخدرات عشان أفقد الوعي وأفصل عن العالم الخارجي وأحاول أنسى إن حبيبي مات.. بتعاطي عشان مش قادرة أتصالح مع مشاكلي.. وفضلت أتعاطى لحد ما حبيبي جالي في الحلم وكان زعلان مني ومرضاش يكلمني.. ساعتها قررت آجي أتعالج من المخدرات وأرجع زي ما كنت..

وهي دي حكايتي حاولت أخصها ليك على قد ما أقدر.. وأسفة على إزعاجك.

متتأسفيش أنا متعود أسمع مشاكل الناس..

ومين يسمعك؟

لم أجب عليها وحملت حقيبتني وخرجت من المستشفى واتجهت إله منزلي لكي أتابع آراء الناس حول انتحار معتز.

هنا أنت

لكن للأسف لم أجد شيء لأنه كان هناك شخص آخر انتحر في نفس الأسبوع.. شاب في العشرينات ألقى بنفسه تحت عجلات القطار في محطة قطار رمسيس.. كانت رسالته الانتحارية الأكثر تداولاً على مواقع التواصل الاجتماعي والتي أدت إلى حدوث ضجة كبيرة لأنه كان شخصاً متديناً وقريباً من الله وأثبت أن الاكتئاب ليس له علاقة بالمسافات التي بين الشخص وربه..

ضغطت على عرض الرسالة كاملاً..

م٣:٤٠

- استراحة الركاب بـ محطة قطار رمسيس-

اكتب وأنا في قمة انهيارى.. المرض أصبح ينهش في عقلي.. مش قادر أركز في أي شيء.. حتى الكتابة مش قادر أرتب أفكاري.. اللعنة.. إيه اللي بيحصل! أنا بدمع! نفسي هتخوني وهنهار من العياط!

ساعدني يا إلهي.. ساعدني أرجوك.. أنا في أصعب المواقف اللي ممكن تمر على أي شخص لما يكون موجود وسط ناس ويفضل يدمع ويبقي

ناقصله تكة وينهار!! ساعدني أنا مش عاوز أنهار..

البنى آدمين ألعن شيء في الوجود... ألعن من الشياطين نفسها وأكثرهم شر.. هيسخروا مني لو عيظت! هيطلعوا تليفوناتهم وهيصوروني وهينزلوها على مواقع السوشيال ميديا وهتبقى أعلى نسبة مشاهدة.. وهيكتبوا بالخط العريض «شاب لم يتجاوز الثلاثين عاماً ينهار من البكاء وسط الناس في محطة القطار» وألف واحد هياألف أسباب عياطي! منهم اللي هيقول عشان بنت سابتني أو عشان مش لاقى شغل أو عشان مليش مكان أعيش فيه وألف سبب غيره.. وقليل جداً اللي هيجي يطبطب عليا ويقولي مالك؟..

- دموعي بدأت تنزل على الورق وتبله!

بحاول أمسك نفسي وأتمالك أعصابي وأكمل كتابة! الاككتاب! الاككتاب بيتملك مني! اللعنة كل اللعنة على الناس اللي بتسخر من الاككتاب وبتقول علاجه بالصلاة والقرب من ربنا! طيب أنا حافظ أغلب سور القرآن ومش بسبب فرض ومع ذلك مصاب بالاككتاب ولعنة الفقدان وما أدراك بلعنة الفقدان.. صوت داخلي يهمس جواك كل ما حد

هنا أنت

يقرب منك ويوسوس بأنه هيسبيك زي ما الكل
سابق! ومصاب كمان بالوسواس القهري بالانتحار
صوت جوايا كل شوية يقولي «انتحر.. انتحر مستني
إيه! عاجباك حياتك؟ أقصد عاجبك الجحيم اللي
انت عايش فيه! اقتل نفسك وروح عند ريك..
أحن واحد عليك.. هو حاسس باللي انت بتمر به
وأكيد مش هيرضى يدخلك النار بعد العذاب اللي
انت مررت به وبكل المشاكل اللي خلت روحك بين
السما والأرض.. لا انت قادر تعيش ولا متبلد المشاعر
مش بتحس ب حاجة أقصد ميت إكلينيكياً»

يا إلهي أنا مش قادر أتحمل كل مشاكل ولا
قادر أوقف الأصوات اللي بسمعها! والعلاج فشل
يعالجنى.. والكهريا بردو فشلت! وأنا مبعدتش عنك
لحظة وبردو مفيش فائدة!! أنا خايف.. خايف أضعف
وأمشي ورا الأصوات اللي بسمعها.. أنا نفسي أبطل
تفكير في كل التفاصيل اللي عيشتها واللي بعيشها
واللي هعيشها! أنا نفسي أرتاح عن كل الوجد اللي
جوايا.. ولو اتكلمت بالمنطق مفيش حل قدامي غير
الانتحار!

هنا أنت

مفيش حل غيره.. أنا هطلع أرمي نفسي قدام
القطر.. كان نفسي تكون نهايتي أحسن من دي بس
للأسف الأحلام بقت مستحيلة في عالمنا.. الوداع!»
أشعلت سيجارة وأخذت أفكر في الرسائل التي
تركها لنا هذا الشاب.. الحقيقة أنا مؤمن بأنه
لا يوجد صلة بين القرب من الله وبين الاكتئاب
والأمراض النفسية وحاولت كثيراً أوضح هذا للناس
لكن كل محاولاتي باءت بالفشل..

يؤسفني القول بأن أغلب الأشخاص معتمدين
على الحفظ وليس الفهم.. هم لن يغيروا وجهة
نظرهم إلا عندما يقعوا في نفس الموقف وهناك سوف
يدركون حقيقة الأمر..

الفصل السابع

الفرن سيدوم للأبد، والبؤس لن ينتهي أبداً

فينسنت فان جوخ

هنا أنت

أغلقت الحاسوب وذهبت إلى المصححة التي أرشدني إليها طارق..

وهناك استقبلني مدير المصححة الدكتور خالد مصعب في غرفة الاستقبال.. كانت الغرفة مزينة بالبالونات واللوحات التي تحمل شعار «أنا إنسان من حقي أتعالج أول ما حس إنني تعبان»

كان الدكتور شخصاً لطيفاً إلى أبعد الحدود؛ استقبلني بكل ترحيب كنت أظن أنه يعرفني بسبب وجهه البشوش لكنني اكتشفت أن هذه معاملته مع كل المرضى.. أخبرته باسمي وبمهنتي؛ مدون على مواقع التواصل الاجتماعي وكاتب مشهور إلى حد كبير.. أخبرته أيضاً عن سبب مجيئي لكنه رشح لي السفر للاسترخاء بدلاً من المصححة لكنني رفضت..

ومرت الأيام ولا شيء يذكر غير أنني ندمت على رفضي السفر.. ندمت وتمنيت الزمن يرجع للخلف لكي أوافق..

الحقيقة هذه الفترة كانت سيئة وأسوأ فترة مرت علي.. المصححة كانت تشبه دار المسنين من ناحية

طلاء الجدران والسرائر.. لا يوجد تليفزيون.. لا يوجد تكييف.. لا يوجد أي وسيلة ترفيه..

كان الوقت يمر ببطء شديد.. كنت منعزلاً في غرفتي ولم أختلط بـ أي شخص حتى العمال.. كلماتي كانت قليلة جداً مع الجميع حتى الدكتور خالد مصعب لم أتحدث معه غير مرتين وفي المرة الثالثة طلبت منه إذن الخروج من المصححة لأن لدي موعد مهم في الغد فاستجاب لطليبي وخرجت من المصححة بعدما قمت بتجهيز حقيبة الملابس والأغراض الشخصية.

خروجي من المصححة كان بمثابة اكتشاف شيء جديد يبعث الأمل للحياة.. الحرية.. نعم الحرية.. إحساس جديد أول مرة أشعر به.. برغم أنني كنت حراً طوال حياتي إلا أنني أول مرة أشعر أنني حر الآن.. صدق الذي قال إن الإنسان لا يشعر بقيمة الشيء إلا بعد فقدانه.. لقد فقدت الحرية في المصححة.. كنت جالساً في حجرتي ولم أخرج منها طوال الأسبوع كما لو كنت أعيش في سجن بين أربعة جدران..

هنا أنت

وعند خروجي ذهبت لطريق الكورنيش لكي اركب مواصلة تصل بي إلى المنزل وحينها قبل ركوبي نظرت للبحر.. كان لونه أزرق وكان الهواء حركته شديدة.. أمعنت النظر إليه؛ كان مظهره جميلاً للغاية.. أول مرة أرتاح للبحر أو لإسكندرية عموماً.. شيء غريب! ألعن الأماكن لقلبي أصبحت أقربهم.. أو أصبحوا ألعن وأقرب الأماكن لقلبي في آن واحد.. أما بالنسبة لإحساس الحرية فكنت في غاية السعادة حينها..

الأجواء أرغمتني أن أجلس على الشاطئ وبالفعل ذهبت ودفعت رسوم الدخول وجلست على الرمال.. أخرجت مذكراتي من الحقيبة وبدأت أكتب عما يدور بداخلي..

«في البداية أنا دخلت المصحة عشان كنت عاوز أقعد مع نفسي و أواجه مشاكلي وأحاول أتصالح معها وأبدأ حياة جديدة لكن للأسف ده حصلش.. أنا دخلت فقدت حريتي وانعزلت في أوضتي بالغضب.. وساعتها أول مرة أكتشف إن العزلة لعنة مش راحة.. يمكن عشان انعزلت غضب عني! أو الحقيقة إن العزلة

هنا أنت

عمرها ما كانت راحة ودي كدبة كدبنا بيها على
نفسنا عشان ماخدناش حاجة من البني آدمين غير
غيبات الأمل والخذلان فاضطرينا ننعزل عنهم وعن
العالم!

وفي الختام أنا تعبت في المصحة.. تعبت جداً...
فكرة إنك قاعد لوحدك في أوضة من أربع حيطان..
ومبتعملش حاجة غير إنك بتفكر وبس.. ده شيء
مرهق ومميت لكن اكتسبت حاجة مهمة.. درس
اتعلمته ومحدث بيتعلم بالساهل.. أنا اتعلمت من
الفترة دي إن كل شيء بيمر.. كل شيء بيعدي..
كل مشكلة مع مرور الوقت بتصبح تافهة.. لكن
السؤال هنا.. طالما كل شيء بيمر وبيعدي ليه
بنعيش حياتنا في حزن ومأساة.

الإجابة هنا تتلخص في لعبة القدر..

لعبة قدرة القدر بيلعبها معانا وهي باختصار:

كل ما تمر عليك مشكلة يخليك تشوفها نهاية
حياتك وتفضل عايش حزين في دايرة مقفولة عليك
ملهاش مخرج.. ومع مرور الوقت لما تنتهي المشكلة
وتخرج من الدايرة بعد عذاب.. بيدخلك في دايرة

هنا أنت

تانية أكبر من الأولي ويخليك تسخر من نفسك
ازاي كنت مغفل وزعلان على مشكلة تافهة!

السؤال هنا هل فعلاً كل شيء بيعدني؟

بالطبع لا.. القدر لما يحطك في مشكلة ويدخلك
المفرمة يضرمك فيها بتطلع منها هش وضعيف جداً
ويتنهار حرفياً من أبسط شيء وممكن يدفعك
للانتحار.. بيخلي الوقت يمر عليك ببطء شديد
وانت منهار وحزين.. بتعيش ألعن أيام حياتك ولما
تنتهي المشكلة وتخش في التانية بيخليك تسخر من
الأول..

المختصر «كل شيء بيمر عدا الحزن والوجع»

وهنا يجي سؤالين مهمين ممكن يجوا على
الك.. وهما..

١ يا ترى كل شيء بيعدني بسبب أثر؟

٢ يا ترى كل شيء بينتهي فعلاً مع مرور الوقت؟

ببساطة أكيد كل مشكلة بتسبب أثر جوانا سواء
إيجابي أو سلبي لكن السؤال المهم هو «هي بتاخذ منا
إيه وهي بتمر علينا» أقصد بتاخذ روحنا ولا شغفنا

هنا أنت

ولا بتأخذ جزء مننا لحد ما نبقى ميتين ومفاضلش
مننا غير شوية بواقى! وده سؤال مهم لازم تجاوب عليه
مع كل مشكلة بتقابلك يا صديقي!

تاني سؤال والأخير؛ يا ترى كل شيء بينتهي فعلاً
مع مرور الوقت؟

طبعاً الإجابة بالنفي..

مفيش شيء بينتهي.. هو ممكن يعدي ويمر
عليه سنين.. لكن ينتهي، لأ.. ممكن موقف صغير
يحصلك يخليه ينزف من جديد.. وكأن الشيء
لسه مولود وتدخل جوة دايرة بتتمرجح يمين وشمال
ملكش ملجأ تسكن فيه!

الفصل الأخير

ساموئي الياة لم تعد تفضل

دايدا

هنا أنت

عُدت إلى منزلي كانت الساعة تشير إلى الرابعة
عصرًا.. فتحت الحاسوب لكي أتابع آخر الأخبار عن
حفل زفاف مرام..

كانت صفحتها الشخصية عبارة عن صور لها هي
وحبيبها وبعض منشورات أصدقائها تحمل التهناني
لهم..

كان يتبقى على موعد حفل الزفاف أقل من ٢٤
ساعة.. في البداية لم أكن أنوي الحضور لكن عندما
فتحت الرسائل البريدية وجدت رسالة منها تذكرني
بالموعد.. وحينها غيرت قراري لسبب واحد.. أن أثبت
لها أن مرام التي أعرفها أصبحت في عداد الوفيات
الآن وأني قادر على العيش بدونها أما بالنسبة للتي
تعيش الآن فهي إنسانة لا أعرف عنها سوى أنها تشبه
حبيبتي ولا يوجد بيننا شيء سوى المعرفة السطحية
وأيضًا لا يوجد لدي مانع لو تزوجت.. باختصار أريد
أن أثبت لها عكس الذي بداخلي..

أخذت منوم كالعادة وذهبت في النوم.. في اليوم
التالي استيقظت كانت الساعة حوالي السادسة
والنصف..

هنا أنت

وكان يتبقى على الموعد ساعة فقط.. اتجهت
إلى الحمام لأستحم وبعدها ارتديت بدلة وحناء
كلاسيكي.. وعند انتهائي من تجهيز مظهري..
اتجهت إلى المكتب لأكتب عن اليوم الذي سوف يُخلد
في تاريخ حياتي.. يوم زفاف حبيبتي إلى رجلٍ آخر!
«رسالة إلى حبيبتي..»

اليوم حفلة زفافك على راجل غيري! انهاردة
حلمي اتخطف مني.. انهاردة أقدر أقول إن عشمي إننا
نرجع لبعض — مات — طب ليه؟ لية بعدتي عني! أنا
عملتلك إيه عشان تمشي.. أنا مش بقول على نفسي
ملاك مبيغلطش.. أنا بغلط آه بس فين الغلطة اللي
تستحق الفراق ويا ريتته كان فراق بس.. ده انتي
مسكتي قلبي وطعنتي فيه السكينة وبعدين رقصتي
على أنغام وجعي.. أنا حتى مش قادر استوعب الأمر!
ازاي تبقي لحد غيري... احنا اللي كان مابينا مش
شوية.. ازاي قدرتي تنسي كل اللي مابينا وتحبي من
جديد! ازاي تقولي لحد غيري بحبك بعد ما كنت
أنا عشقك الوحيد..

هنا أنت

محبتنيش؟ جايز ليه لا.. بس معقولة عايش
معاكي الفترة دي كلها في كذب.. وكنتي بتمثلي
عليا الحب؟ ولا كنتي عايشة في وهم إنك بتحبيني
لكن الحقيقة إنك حبيتي اهتمامي بأدق تفاصيل
حياتك؟

يا رب هونها عليا أنا مليش غيرك ألجأ ليه.. يا رب
أجبر بخاطري وعدي اليوم ده على خير.

أغلقت المذكرة وطلبت عربية من شركة أوبر لكي
توصلني إله قاعة الزفاف.. نزلت من بيتي وقفت أمام
الباب في انتظار وصول العربية.. وبالفعل السائق
أتى في خلال دقيقتين.. ركبت ثم سألني إله أين
نذهب.. أخبرته باسم القاعة وهي الفور سيزون بـ
سان ستيفانو..

وعندما تحرك السائق ذهبت إله غفوة من
الذكريات.. الذكريات التي كانت تجمعني مع
مرام.. تذكرتها وهي تضحك وهي تبكي وهي تنهار
وهي ترتطم أرضاً.. تذكرت الشمس وهي تشرق مع
ابتسامتها.. تذكرت نفسي وأنا معها.. تذكرت

أسعد أوقات حياتي عندما كنت سبب في ابتسامتها..
تذكرت سعادتي عندما كنت أقوم بإسعادها..

صوت السائق قطع حبل الذكريات ليخبرني إننا
وصلنا.. ابتسمت له وقمت بدفع تكلفة التوصليل..

اتجهت إلى القاعة وفي طريقي كنت أتقدم
خطوة وأعود خطوتين.. كنت متردداً هل أذهب أم
لا وفي النهاية وصلت إلى القاعة وسلمت على مرام
بابتسامة.. عينها جاءت في عيني وتوقف الزمن دقيقة
لقسوة الموقف.. شعرت حينها أن العالم يضيق عليّ
وأني غير قادر على التنفس كأنني كنت أتنفس
من ثقب إبرة وشعرت أن العالم اتفق بأجمعه على
أن يبكيني وأني سوف أرتطم أرضاً كالأطفال..
لكن الذي حدث هو إني انهرت من البكاء الداخلي..
فحمدت الله على الطاقة التي أعطاني إياها رغم
الوجع الذي كنت أشعر به حينها إلا أنني سعدت أن
نفسي لم تخذلني هذه المرة.

ابتسمت لها مرة أخرى.. وهذه المرة الابتسامة
كانت تخفي الكثير من الوجع والأحاديث التي كنت
أتمنى أن أبوح بها...

هنا أنت

وقفت عند باب القاعة لمدة خمس دقائق وبعدها
خرجت واتجهت نحو شاطئ البحر.. كان يوجد
كرسي فارغ فجلست عليه وأخذت أتأمل السماء
والنجوم والبحر.. المظاهر التي أمامي كانت على
وشك أن تجعلني أنهار من البكاء.

لكن صوتاً من الخلف قطع تأملي.. كان صوت
تنهيدة بكاء.. وقفت لكي أنظر إليها كانت فتاة
في نفس عمري تقريباً.. ابتسمت لها كنوع من
الترحيب..

أزيك؟

الحمد لله.. وانتى؟

جلست على الرمال ولم تجب على سؤالي.. نظرت
إلى السماء وبدأت تحدثني.. أحياناً بنحتاج لشخص
منعرفهوش نحكيه عن كل مشاكلنا وبعدها
نسيبه ونمشي وانت لسوء حظك الشخص ده..
اسمي مارينا مسيحية. دائماً كنت بفتخر بديني
وبالصليب.. ماكانتش أعرف إن هيجي يوم وديني
يبقى عقبه في طريقي أو ممكن يتحط في مقارنة ما
بينه وبين أي شيء.

أحكي لك من البداية عشان تفهم..

من سنتين اتعرفت على شخص في مكتبة الكلية.. كنت بدور على المجموعة الكاملة للكاتب العظيم فرانز كافكا.. سألت المسئولة عن المكتبة قالتلي مفيش غير نسخة واحدة موجودة.. فرحت جداً ولما روحت على المكان اللي موجود فيه الكتاب.. لقيت واحد مسكه.. طلبت منة الكتاب قالي أنا محتاجة جداً.. ملامحي اتغيرت وابتسامتي اختفت.. ولما شاف ملامحي اتغيرت قالي مفيش مشكلة اتفضلي الكتاب.. شكرته وأخذت رقمه عشان لما أخلصه أدهولاه.. ومن هنا بدأت العلاقة أو حكايتنا من غير ماعرف اسمه.. وتمر الأيام وأخلص الكتاب.. وقتها كلمته واتقابلنا في كافية عطيته فيه الكتاب.. ومشيت ولما روحت البيت كلمني على الواتساب يسألني على رأيي في المجموعة وسؤال جاب سؤال ومع مرور الوقت حبينا بعض رغم اختلاف الديانة هو مسلم وأنا مسيحية.. كنا ساذجين.. حبينا بعض من غير ما نشوف الحاجز اللي بينا.. حبينا بعض من غير ما نشوف إن العلاقة اتكتب عليها النهاية قبل البداية..

هنا أنت

فضلنا سنة بنبعد عن بعض ونقرب.. حاولنا نلاقي حل لمشكلتنا بس للأسف الحيطه كانت مسدوده.. وعشان نعمل ثقب في الحيطه نعدي منه كان لازم حد فينا يغير دينه أو بمعني أدق يبيع دينه عشان الثاني.. مقارنة صعبه دينك وآخرتك ولا حبيبك ودنيتك وفي النهايه كل واحد اختار دينه وعلاقتنا انتهت وكل واحد بعد عن الثاني لحد الشهر اللي فات كلمني وقالي إن والدته شافله عروسه وهو وافق عليها بالعقل وأقسلي بالله إنه ماحبهاش.. وطلب مني أحضر الفرح وافقت لسبب إنني أشوف ملامحه عاملة ازاى وقتها وللأسف لقيته حزين رغم ابتسامته المرسومة على وشه.

أنهت حديثها وتركتني ورحلت..

وحينها لم أستطع تمالك نفسي من الضحك ووقعت على الرمال وأخذت أضحك بشكل هستيري وأخذت أسبح الله وأردد جملة «كما تدين تدان» صوت الضحك ارتفع أكثر من اللازم.. أخرجت ورقة وقلم من جيب البنطال وبدأت في الكتابة لكي أهدأ.

«اليوم اتاكـدت من صدق مقولة «كما تدين
تدان» حتى لو انت مسامح ومش عاوز الشخص اللي
وجعك يتوجع برده هيتوجع.. ربك اسمه العادل
ومش بيسيب حق موجوع.. مرام زي ما سابتني وأنا
بعشقها وراحت حبت شخص تاني بكرة هتكتشف إنه
بيحب واحدة غيرها.. دايرة مقفولة ومفيش هروب
منها.. سبحان اللي خلق العدل والمساواة.

وفي الختام كما تدين تدان حتى لو بعد حين..
اللي كسرك مسيره تمر عليه الأيام وحد يكسره..
مش شرط نفس الموقف بس هيكون نفس الوجع..
وساعتها الوجع هيكون الضعف لإنه هيفتكر إنه
كسرك وإنك اتذليت قدامه وهو غبي ماتأثرش ولا
فرق معاه»

عُدت إلى البيت كانت الساعة الحادية عشر..
أحضرت سرنجة ووضعتها على المكتب فتحت
مذكراتي لأكتب عن الذي كان يفترض كتابته
من سنوات.

هنا أنت

«دلوقتي جت اللحظة اللي كنت بهرب منها طوال حياتي.. دلوقتي جه الوقت اللي الناس المفروض تعرف حقيقتي.. الصورة الحقيقة ليا هي عبارة عن طفل صغير وهو في اللفة.. القدر حب يلعب معاه لعبة.. دخله في تجارب أكبر من عمره بمراحل.. وحط شرط للعبة.. الشرط كان مضمونه إن الحياة والحب والسعادة والراحة يكونوا ضده وحصاد التجارب لازم يبقي فيه وجع وخذلان.. ويبدأ القدر يضح سمومه في وريدي وأخرج من التجربة منهار.

ومع مرور التجارب والوقت اتحولت من طفل لعجوز بيسرد حياته على الورق.. والناس تسقفله وتمدح فيه.. إحساس مؤلم إنك تدرك في يوم من الأيام إن الحياة والقدر ضدك وإن العالم بأجمعه اتفق على إنه ينهش فيك.. إحساس قاسي إنك تشعر بيان في حاجات بتموت فيك وانت حي ومش ناقصلك غير شوية بواقى..

ودلوقتي جه الوقت اللي أحكي فيه عن أصعب الحروب اللي مريت بيها وانتصرت عليا ونتيجتها

هنا أنت

كملت معايا لـيومنا هذا.. يوم ولادتي كانت
بداية المأساة والمأساة ماكانتش ليا لوحدى.. لا.. دي
كانت لوالدي وأهل أمي.. اللي حصل في اليوم ده إن
أمي ماتت وهي بتولدني.. ولما كبرت واستوعبت.. بدأ
واحد جوايا يقولني انت السبب.. انت اللي موتها.. لو
ماكُنْتش جيت للدنيا ماكانتش ماتت.. وهنا بدأت
الحرب جوايا بين شخص شايف إنه السبب في وفاتها
وبين الثاني اللي بيحلف إنه ملهوش ذنب.. إحساس
سيئ لما تشوف نفسك السبب في أذية شخص والأسوأ
إن إحساسك يبقي جزء من حياتك.. مصاحبك
في كل حته وفي كل مكان.. حتى وانت نايم بتحلم
بكوابيس بيه.. وتمر السنين واتعرفت على واحدة
وجودها كان مهون عليا كل المأساة اللي عيشتها..
في البداية كنت بحسبها هدية من القدر بيعتذرلي
بيها عن كل اللي حصل منه.. لكن اكتشفت إنها
لعبة قذرة منه عملها عشان يدمرني كلياً.. ده اللي
اقدر أقولكم عنها.. لإني مبحبش أتكلم عنها بسوء
لإني في يوم من الأيام كنت راجلها فمينفعش بعد

هنا أنت

ماتسبني أتكلم عنها ومينفعش أتكلم على واحدة بقت
ملك لراجل غيرى..

أشعلت سيجارة وأخذت أتأمل السرنجة ثم مسكت
القلم وعُدت إلى الكتابة مرة أخرى لكن هذه المرة
سوف تكون الأخيرة.. ولأنها آخر مرة فسوف أحدث
الله وأخبره بكل شيء بداخلي.

«يا الله هل تسمعني؟ من صغري وأنا بسألك
السؤال ده.. وحاسس إن الإجابة بالنفي.. أنا نفسي
أكلمك وأعرف أنا عملت إيه عشان أحصد كل
الوجع ده! حصل إيه مني يستاهل كل الخراب اللي
صاحب قلبي واشمعنا أنا؟ بس انت رزقتني بنعمة وهي
بردو المشاعر» مع الوقت وتكرار الشيء بيخليك فاقد
لذته» وده اللي حصل معايا مع مرور الوقت اتعودت
على الوجع لدرجة إنني ماكنش هاممني أتوجع على
أد ماهممني إن محدش يشوفني موجوع وأشوف نظرة
شفقة منه..

هنا أنت

عزيزي الله أنا آسف عشان هنتحر وأنهي حياتي..
أنا هانهيها لسببين..

أولاً..

لإني عارف نفسي كويس وعارف إني هفضل في
الوجع ده طول عمري. لإني عارف كم المشاكل اللي
عندي.. وخطوات حل أي مشكلة بيبدأ بالاعتراف بيها
وبعدين التصالح معاها وبعدين النية إنك تعالجها
وأخيراً العمل عليها لحد ما تنتهي.. وأنا للأسف
مبعرفش اتصالح مع مشاكلتي ووديتي. ودي المشكلة
العظمى إني مش قادر أتصالح وأتعايش معاها..

ثانياً..

لإني خسرت نفسي بسبب تراكمات الصعوبات
اللي مررت بيها واللي خلتنني مش شايف أمل في
المستقبل وأقنعتني إن الحياة عمرها ما هتتحسن..
هرحل لإني مش شايف في حياة على كوكبنا..
الصراحة دي مش أول مرة هموت فيها.. أنا مت قبل
كدة كذا مرة لما أصبحت واحد منكم وكان لا أحد
ينجو من عنف الحياة..

هنا أنت

ودي هوامش حكايتي وما خفي كان أعظم..
اضحكوا بعد ما تقرأوها فلقد انتهت الفوضى وسوف
تأتي مرحلة المجهولية..

أمسكت السرنجة وأنا بضحك بشكل هستيري..
نعم نعم إنها النهاية لقد انتهى كل شيء.. كل
هذا الخراب انتهى.. كل الأمراض والاضطرابات
النفسية سوف تنتهي الآن.. أنا لست خائف من الله..
نعم لست خائف وسوف أذهب له وأخبره بكل شيء
سوف أخبره عن المأساة التي عشتها معكم والحزن
الذي اكتسبته منكم.. سوف أذهب وأعتذر له لأنني
تأخرت كثيراً عن الموعد.. إلى اللقاء.

١

٢

٣

أخذتها في الوريد.

النهاية

الخاتمة

في هذه اللحظة يولد آلاف البشر ويبدأ القدر
بضخ سمومه في وريدهم لكن يا ترى أهذه النهاية؟
بالتأكيد لا.. بل إنها البداية.. بداية الجحيم
والمأساة التي سوف تعيشها في هذا العالم البائس
وحيداً تتألم فقط في صمت ومن ثم تنهار كلياً
وترتطم أرضاً وتأتي مرحلة الغموض.. فتهانينا لمن
وصل هذه المرحلة..

